



ახალი ბუნათელეს

2013 წელი, 10 - 16 ოქტომბერი

ფასი 1 ლარი 30 თეთრი

№29 (623) გამომცემი 1998 წლიდან

www.axaliganatleba.ge

ნიუნს თარი

მიმდინარეობს ხელმოწერა

თავაზ ვასაძე

ქართული აგიოგრაფიული პრობა ლიტერატურის შემსწავლელთათვის

თმსთები თანმდევი განმარტებებით

ფასი - 4 ლარი.

მავთულსლართების პირისპირ დარჩენილი სკოლები

გვერდი 9

გეოგრაფიის კვლავობთა დასასხმარებლად

გეოგრაფიის მასწავლებელთა სასერთიფიკაციო გამოცდების ანალიზმა გვიჩვენა, რომ მასწავლებლების დიდ ნაწილს, სამწუხაროდ, უჭირს მთელი რიგი დავალებების შესრულება. შევეცდებით, ჩვენი გაზიარებული საშუალებებით, ყურადღება გავამახვილოთ ისეთ საკითხებზე, რომლებიც მათ დაეხმება უკომპლემენტო გეოგრაფიის პედაგოგებისთვის, მივცეთ მათ რეკომენდაციები და შეაქვინდეთ დახმარება.

რადგან გეოგრაფიის სწავლება წარმოუდგენელია რუკის გარეშე და სასერთიფიკაციო გამოცდაზეც ხშირია, როგორც ზოგადგეოგრაფიულ და თემატურ, ისე ტოპოგრაფიულ რუკებთან დაკავშირებული სხვადასხვა ტიპის დავალება, ამიტომ ჩვენი პირველი სტატიის სწორედ რუკის მნიშვნელობას, მის საკითხებს, გაგებასა და ანალიზს ეძღვნება. უაქტინა, რომ რუკას მრავალმხრივი დატვირთვა აქვს საგაკვეთილო პროცესში. გეოგრაფიის სწავლებისას რუკაზე მუშაობის მთავარი მიზანია, ვასწავლოთ მოსწავლეებს რუკის გაგება, კითხვა და გამოყენება. მაგრამ ძველი იტება ამ ამოცანის შესრულება, თუ თავად მასწავლებელი ვერ ფლობს სათანადო დონეზე ამ საკითხებს.

გვერდი 6-7

გამოსვლი შედეგები, პრობლემები, მიზეზები

დასრულდა 2013 წლის ერთიანი ეროვნული და პედაგოგთა სასერთიფიკაციო გამოცდები, რომლებსაც შეფასებისა და გამოცდების ეროვნული ცენტრი ატარებს.

ისევე როგორც გასულ წლებში, ამჯერადაც გამოცდების შედეგებს აჯამებენ ცენტრის საგნობრივი ჯგუფების ხელმძღვანელები - ზოგადი უნარების ჯგუფის ხელმძღვანელი სოფო დოლიძე და ბიოლოგიის ჯგუფის ხელმძღვანელი ანივენტო შათირიშვილი.

გვერდი 2-4

გთავაზობთ ტესტების კრებულებს ქართულ ლიტერატურაში, რომელიც ითვალისწინებს საატესტატო გამოცდის მოთხოვნებს

ნიგნი I - ძველი ქართული მწერლობა
ნიგნი II - „ვეფხისტყაოსანი“
ნიგნი III - XIX საუკუნის მწერლობა

ავტორები:
 თამარ გელიტაშვილი, ამირან გომართელი

თითოეული კრებულის ფასი - **10 ლარი**

დაგვიკავშირდით: 295-80-23, 790 95-80-23, 577 13-22-83



გამოსვლები – შედეგები, პრობლემები, მიზნები



გვესაუბრება შოგასანისა და გამომცემის ეროვნული ცენტრის ზოგადი უნარების ჯგუფის ხელმძღვანელი სოფო დოლიძე

– როგორი იყო ზოგად უნარებში გამოცდების შედეგები? განსაკუთრებით საინტერესოა პედაგოგთა სასერტიფიკაციო გამოცდის შედეგი, რადგან წელს სიახლე იყო კომპინირებული გამოცდა დაწყებითი საფეხურის პედაგოგთათვის, რომელიც სამ საგანს მოიცავდა.

წლებად დღეობს კონკურსი ზოგად უნარებში შედეგებით მარტივი აღმოჩნდა აბიტურიენტებისთვის, ეს ტესტების სტატისტიკურმა ანალიზმა გვიჩვენა. სამი ტესტი ძალიან ახლოს იყო ერთმანეთთან, სირთულის თვალსაზრისით. ერთი ვარიანტი შედარებით რთული აღმოჩნდა. უცნაურია, მაგრამ რთული იყო კვლავ მესამე ვარიანტი, რამაც ამ ბოლო პერიოდში აბიტურიენტებს ისეთი დამოკიდებულება გაუჩინა, რომ მაინცდამაინც მესამე ვარიანტი იქნება რთული. გარმწინებთ, ეს სრულიად შემთხვევით მოხდა, თან აბიტურიენტები ყურადღებას აქცევენ ყოველ იმ ნელინადას, როდესაც მესამე ვარიანტი აღმოჩნდა რთული. მაგალითად, შარშან მერვე იყო, ადრე სხვა ვარიანტებიც ყოფილა რთული. ასე რომ, ეს ნამდვილად სპეციალურად არ ხდება, შემთხვევით აღმოჩნდა ისე, რომ მესამე ვარიანტში თავი მოიყარა შედარებით რთულმა დავალებებმა. თუმცა, მინდა აბიტურიენტები დავარწმუნო, რომ ყველა ვარიანტი სწორდება სკალირების საშუალებით, რომელიც ახლავს გამოცდას, რომელსაც ტესტის რამდენიმე ვერსია აქვს. სკალირება ის პროცედურაა, რომელიც სწორედ ამ უთანაბრობას აღმოფხვრის, ყველა სხვადასხვა ვარიანტში მიღებულ ქულას ერთმანეთს ადავალავს, ვთქვათ, პირველი ვარიანტის 60 ქულა თუ მეორე ვარიანტის 60 ქულა, თუ ისინი მართლაც თანაბარია. ძალიან მცირე განსხვავებაც კი, რომელიც შეიძლება იყოს და აუცილებლად აღმოჩნდება ტესტებს შორის (ერთი და იმავე სირთულის ტესტები თორიულადაც კი შეუძლებელია), აღმოიფხვრება სკალირების პროცედურის შემდეგ.

40 ათასზე მეტი აბიტურიენტი ჯერ არ გვეყოლია, წელს პირველად 42 ათასამდე აბიტურიენტი დარეგისტრირდა და ისინი ოთხ სესიად განთავსდნენ იმ საგამოცდო ცენტრებში, რომლებსაც ყოველწლიურად ამზადებს გამოცდების ეროვნული ცენტრი იმის მიხედვით, რამდენი აბიტურიენტი დარეგისტრირებული იქნება. იმედი გვაქვს, მომავალში აბიტურიენტთა მეტი რაოდენობა აღარ იქნება, რადგან რთულია ძალიან მსგავსი სირთულის, ამავდროულად დავალებებით ერთმანეთისგან განსხვავებული სხვადასხვა ვერსიის მომზადება. ეს ძალიან დიდი სამუშაოა, არ არის მხოლოდ დავალებების შექმნა. ტესტი იქმნება ორიგინალად ქართველი ექსპერტების მიერ, შემდეგ დავალებები აუცილებლად უნდა გამოიცადოს.

სამწუხაროდ, წელს ვეკონდა ასეთი შემთხვევა – სწორედ გამოცდების პერიოდში, თვითონ აბიტურიენტებმა გამოაქვეყნეს ერთ-ერთი რეპეტიტორის მიერ შეგროვებული მასალა – აბიტურიენტების მიერ საცდელ

ტესტირებებზე დამახსოვრებული დავალებები. ყველა რეპეტიტორის მიმართ გვექნება თხოვნა, იმუშაონ აბიტურიენტების უნარების განვითარებაზე, თუმცა ვფიქრობ, რომ ამის მიღწევა ერთ ნელინადში შეუძლებელია, მაგრამ თუ მაინც „ამზადებენ აბიტურიენტებს“, მაშინ მართლაც მათი უნარების განვითარებაზე იზრუნონ, წაკითხონ ახალი, უცხო ტექსტი, ასწავლონ მისი გააზრება, ასევე, ერთი წლის განმავლობაში ნამდვილად შეუძლიათ ასწავლონ ელემენტარული მათემატიკა, გააცნონ ტესტის სტრუქტურა, გაავარჯიშონ დროის ზუსტად განსაზღვრაში, პასუხების ფურცლის სწორად შევსებაში და ა.შ., რომ აბიტურიენტისთვის ახალი და მოულოდნელი არაფერი იყოს გამოცდაზე. მით უმეტეს, რომ ყოველწლიურად ქვეყნდება ჩვენი ტესტის ოთხივე ვარიანტი და პირადად მე ვფიქრობ, რომ ნებისმიერი აბიტურიენტი ამას დამოუკიდებლად შეძლებს, მაგრამ თუ მას მაინცდამაინც რეპეტიტორთან უნდა მომზადება და რეპეტიტორებიც „ამზადებენ“ ზოგად უნარებში (რაც ჩემთვის სრულიად გაუგებარი და ცოტა სასაცილოც კი არის), მაშინ ამ მომზადებას ამგვარი სახე მაინც ჰქონდეს და არა მესხერებაზე დაფუძნებული დავალების – საცდელ ტესტირებაზე დაიმასხოვრე რაც შეიძლება მეტი დავალება და კი არ ამოხსნა, არ იმუშაო, შენს უნარს კი არ მაიქციო ყურადღება, არამედ ეცადე დაიხე-პირო, რადგან გამოცდაზე შეიძლება ეს დავალება შეგხვდეს. სპეციალურად იყენებ აბიტურიენტები მობილიზებულები, რომ საცდელ ტესტირებაზე დაემასხოვრებიანთ დავალებები და მიეტანათ რეპეტიტორისთვის. ცხადია, ყველაფერი ვერ დაიხეობრება, ძალიან რთულია წინადადების შევსების დამახსოვრება, ამოცანების პირობებს უფრო დაიმასხოვრებს ადამიანი, მის ძირითად შინაარსს. ანალიზების დახეობრების მცდელობაც იყო, ასევე ლოგიკის ზოგიერთი ნაწილში ვრის... გარდა იმისა, რომ ამან საცდელი ტესტირებების ამგვარი ფორმით ჩატარებას გაუჩინა პრობლემა (სხვა სტრატეგიებზე ვფიქრობთ), ძალიან გულსატკეპნი იყო მსგავსი დამოკიდებულება. ეს არის ზოგადი უნარების გამოცდა, რომელიც ორიენტირებულია სწორედ მსჯელობაზე, აზროვნებაზე, ახალი ინფორმაციის გადაამუშავებაზე, რადგან უმაღლეს ასწავლებლებში ეს უნარები სჭირდებათ ახალგაზრდებს – უამრავი ახალი მასალა უნდა აითვისონ, ნაკითხონ სხვადასხვა ავტორის სამეცნიერო ლიტერატურა. ნაცვლად იმისა, რომ მასწავლებლებმა/რეპეტიტორებმა ამაზე იმუშაონ, ყურადღება გადააქვთ იმ დავალებების დახეობრებაზე, რომლებიც ან იქნება ან არ იქნება ტესტში, ან სახეცვლილი იქნება. ასეთი მიდგომა სრულიად ნარმოუდგენელი და გულსატკეპნია, აბიტურიენტებს რეალურად ცუდი საქციელი სკენ უბიძგებენ – იციან, რომ ეს მასალა კონფიდენციალურია. ყველაფერთან ერთად, სწორედ აბიტურიენტისთვისაა საზიანო – ასეთი დახეობრებული დავალებები მას გარკვეულ ჩარჩოში აქცევენ და ძალიან რთულია შემდეგ ამ ჩარჩოდან გამოსვლა. გამოცდაზე მაინცდამაინც იმ დავალებებს ელოდებიან, რაც დაიხეობრეს და რაც იქ ნამდვილად არ დახვდებათ. 80-ქულიან ტესტში 80 დავალება გვაქვს, შეუძლებელია იქ იმის იმედად დარჩე, რომ ერთ-ერთი ანალიზის დახეობრება და რამდენიმე ამოცანის შინაარსი გახსოვს. სრულიად მიუღებელია უნარების გამოცდისთვის დახეობრებით მომზადება. ეს დამოკიდებულება ძალიან ცუდ განწყობას ქმნის გამოცდის მიმართ. რა თქმა უნდა, მიუხედავად ამისა, საცდელი გამოცდები მაინც ჩატარდება.

დავუბრუნდები იმას, რომ ოთხი ვერსიის მოსამზადებლად ძალიან დიდი სამუშაოა ჩასატარებელი და ყველა დავალება, რა თქმა უნდა, აუცილებლად იქნება გამოცდილი. წინააღმდეგ შემთხვევაში, შეუძლებელია განსაზღვროთ, რამდენად ვარგისია დავალება, რამდენად განარჩევს ის უნარს და ნაკლებადუნარს აბიტურიენტებს ერთმანეთისგან, რამდენად გასაგებად არის ჩამოყალიბებული – ერთმნიშვნელოვანია ყველა აბიტურიენტისთვის და ა.შ. იქმნება ბანკი დავალებების, საიდანაც ვორჩევთ იმ ოთხ ვარიანტს, რომლებიც უკვე საგამოცდოდ მზადდება.

მომავალი წლისთვის აბიტურიენტებს რაიმე სიახლეს არ ვთავაზობთ, ერთადერთი, ვფიქრობ, რომ ცოტა ნაკითხულის გააზრების ნაწილი გავაძლიეროთ. ეს იქნება მნიშვნელოვანი მიმართულება. საერთოდ ნებისმი-

ერი სპეციალობით უმაღლეს სასწავლებლებში სწავლის გასაგრძელებლად სწორედ ეს უნარია მნიშვნელოვანი – ნაკითხული ახალი ტექსტიდან შეგვეძლოს აზრის გამოტანა. მიუხედავად იმისა, რომ ჩვენს ტესტში 2 ტექსტია ნასაკითხი და 12 დავალება ეთმობა ვერბალური ნაწილის 40 დავალებიდან, მაინც გვინდა, რომ ამ დავალების წილი ოდნავ კიდევ უფრო გაზარდოთ. მინდა ვთხოვო ჩვენს აბიტურიენტებს, ყურადღებით მოეკიდონ ამ ნაწილს, რადგან, გავიმეორებ, რომ ეს ყველაზე მნიშვნელოვანი ნაწილია. სამწუხაროდ, ზოგიერთი ტექსტს საერთოდ არც კი კითხულობს და მთელ დროს ტესტის სხვა ნაწილებს უთმობს. ეს გულდასაწყვეტია, მით უმეტეს, რომ ძალიან საინტერესო ტექსტებს ვთავაზობთ ჩვენს აბიტურიენტებს.

ეს, რაც ეხება აბიტურიენტების გამოცდებს. გარდა ამისა, წელს ვეკონდა მასწავლებლებში 4 გამოცდა. დაწყებითი საფეხურის პედაგოგებს რამდენიმე სახის სერტიფიკატს სთავაზობს განათლების სამინისტრო: პირველი-მეოთხე კლასების მასწავლებელი, რომელიც კომპინირებულად რამდენიმე საგანს ასწავლის – ქართული, მათემატიკა და ბუნებისმეტყველება და საგნობრივი გამოცდები თითოეულ ამ სამ საგანში ცალ-ცალკე, რომლებიც პირველ-მეექვსე კლასებს მოიცავს. როგორც იცით, დაწყებითი საფეხური პირველ-მეექვსე კლასებს მოიცავს, მაგრამ რადგან კომპინირებული გამოცდა თავისთავად მძიმეა თავისი შინაარსით – სამი საგანი შედის გამოცდაში – ამიტომ პირველ-მეოთხე კლასების მასწავლებლისთვის მზადდება. წლების განმავლობაში ტრადიცია ასეთი იყო, დაწყებითი კლასების მასწავლებლები განათლებას სწორედ ასე იღებდნენ – პირველ-მეოთხე კლასების საფეხურისთვის.

ეს გამოცდა გარდამავალია და 2014 წლის შემდეგ, წესით, აღარ უნდა იყოს, ვინაიდან ჩვენს სახელმწიფოში დაწყებითი საფეხური პირველი-მეექვსე კლასებითაა განსაზღვრული. მაგრამ კიდევ ბევრი მასწავლებელია, ვინც პირველ-მეოთხე კლასებს ასწავლის და სერტიფიკატი არ აქვს. როგორი იქნება ამ გამოცდის ბედი ჯერ არ ვიცი, ამაზე მუშაობა ახლა მიმდინარეობს.

სამწუხაროდ, წელს ყველაზე ცუდი შედეგი სწორედ ამ გამოცდას ჰქონდა. ბევრი მასწავლებლისგან გვემის, რომ ეს გამოცდა რთულია. უნდა დავეთანხმო – გამოცდა, თავისი სირთულით არის შესაბამისი იმ შრომისა, რასაც მასწავლებელი ეწევა სკოლაში. თუ მასწავლებელი სამ საგანს ასწავლის, თავისთავად ძალიან რთული საქმეა ერთდროულად ასწავლო ქართული, მათემატიკა და ბუნებისმეტყველება. ამ საგნების ცოდნა მარტო პირველი-მეოთხე კლასების დონეზე ცოდნას არ გულისხმობს, მასწავლებელს ბევრად მეტი მოთხოვნა, ბევრად უფრო ღრმა ცოდნა – ამ მოთხოვნას მას სტანდარტი უყენებს. იყო დაწყებითი კლასების პედაგოგი, ნიშნავს იყო ძალიან კარგად მცოდნე პედაგოგი ერთმანეთისგან რადიკალურად განსხვავებული სამი მნიშვნელოვანი საგნის, რომლებზეც შემდგომ მთელი ჩვენი განათლება შენდება, ძალიან რთული საქმეა. შესაბამისად, ვერც ტესტი იქნება მარტივი. ტესტის ფორმატი თავისთავად საკმაოდ დატვირთულია, რადგან სამი სხვადასხვა საგანია. გარდა ამისა არის აუცილებელი კომპონენტი – კითხვის და წერის სწავლების ნაწილი, რომელიც როგორც ამ გამოცდაზე, ასევე საგნობრივ გამოცდებზეც აუცილებელი ნაწილია. ეს სწორედ ის საფეხურია, სადაც ადამიანი კითხვას და წერას სწავლობს და თუ ამ საფეხურზე ეს ორი უნარი სწორად არ აითვისა, შემდგომ მისი განათლება ეჭვქვეშ იქნება დაყენებული. ამ ნაწილს 15 ქულა ეთმობა და ვფიქრობთ, რომ აუცილებელია პედაგოგებისთვის. გარდა ამისა, ტესტში კიდევ ორი ნაწილია.

აკადემიური უნარების ნაწილი, რომელშიც ნაკითხულის გააზრება, ანალიტიკური წერა/თხზულების დაწერა შედის, არანაკლებ მნიშვნელოვანია მასწავლებლებისთვის, რომელმაც მოსწავლეს პირველ საფეხურზე უნდა ასწავლოს.

როგორც ხედავთ, ტესტი მრავალი ნაწილისგან შედგება, მრავალფეროვანია და 5 საათი გრძელდება. ამ დროის განმავლობაში ტესტის ერთი ნაწილია მერვეზე გადასვლა მართლაც არ არის იოლი ჩვენი მასწავლებლებისთვის. მაგრამ, გავიმეორებ, რომ ადეკვატურია იმ სამუშაოს, რასაც ისინი

სკოლაში ასრულებენ. მათ მართლაც რთული სამუშაო აქვთ. ბევრს ჰგონია, რომ მეშვედემეთორმეტე კლასებში სწავლება უფრო რთულია, ნამდვილად არ არის ასე. მე რომ მკითხოთ, პირველ-მეოთხე კლასებში სწავლება გაცილებით რთულია, ყველაზე მძიმე ალბათ პირველი კლასია. ეს იმდენად საპასუხისმგებლო სამუშაოა, რომ დაწყებითი კლასების პედაგოგები ყველაზე დაფასებულები უნდა იყვნენ. ისინი ქმნიან ადამიანის განვითარების საფუძველს არა მარტო განათლების, არამედ საერთოდ ყველა სფეროში.

წლებად დღეობს ტესტი ნარმატებით შესარულა პედაგოგების მხოლოდ 7%-მა, განსაკუთრებით გაუჭირდათ ანალიტიკური წერის დავალების შესრულება, ანუ თხზულების დაწერა. თხზულება ძალიან საინტერესო იყო, საბავშვო ნაწარმოების სხვადასხვა სახეობას შეეხებოდა, მაგალითად, დონალდ ბისტის „ყველაფერი ყირამალადან“ და ჯანი როდარის ზღაპრიდან იყო მოყვანილი ნაწყვეტები და უნდა ემსჯელოთ, რატომ მიმართავენ ავტორები ამ ხერხს – ყველაფერი ყირამალა დააყენონ. როგორც ჩანს, ეს არ აღმოჩნდა მარტივი გასააზრებელი და დასაწერი ჩვენი პედაგოგებისთვის. შეიძლება მოულოდნელი და არასტანდარტული საკითხია, არ არის ისეთი ბანალური, როგორც, ვთქვათ, კომპიუტერთან ურთიერთობა ჯობია თუ წიგნთან, ან როგორ გავლენას ახდენს ტელევიზორი ბავშვზე. მსგავს თემატიკას სპეციალურად არ ვაწვდით პედაგოგებს, ვფიქრობთ, რომ ეს ისეთი თემატია, რომელთა ირგვლივ ადამიანს აქვთ საკუთარი აზრი. ვცდილობთ რაიმე ორიგინალური, ახალი შეფასებით. აღმოჩნდა, ამაზე მუშაობა ცოტა გაუჭირდა.

ტექსტი, რომელიც შევთავაზეთ და ასევე არ აღმოჩნდა მარტივი, ისევე და ისევე ბავშვს შეეხებოდა, მე-სთან დაკავშირებულ ემოციებს – როგორც ჩანს, მსგავსი ლიტერატურაც ძნელად ხელმისაწვდომია ჩვენი პედაგოგებისათვის, ან ამ ლიტერატურის გასაცნობად არ აქვთ საკმარისი დრო, ან ქართულ ენაზე არ არის საკმაო ლიტერატურა, ან მათთვის არ არის ხელმისაწვდომი, ყოველ შემთხვევაში, ეს ახალი სფერო აღმოჩნდა.

რაც შეეხება საგნობრივ ნაწილს, კითხვისა და წერის სწავლების დავალებას მეტნაკლებად კარგად გართევს თავი, თუმცა სამივე საგანში პრობლემა ე.წ. ღია დავალებები, სადაც არ არის მოცემული სავარაუდო პასუხები და აპლიკანტმა/მასწავლებელმა თვითონ უნდა დაწეროს. როგორც წესი, ასეთი დავალებები უფრო რთულია, ვიდრე არჩევითი პასუხის დავალებები, როდესაც ცოდნის სფეროს ვაფასებთ. ესეც, ალბათ, ანალიტიკური წერის პრობლემას ეხმარება. როგორც ჩანს, აზრის ჩამოყალიბება მოკლე დროში, შეზღუდულ პირობებში არ არის ადეკვატური პედაგოგებისთვის.

კიდევ ერთხელ განვახილავთ კრებულს ტესტით, რომელიც წელს გამოცდაზე იყო და მასწავლებლებს გავაცნობთ ნიმუშებს პასუხებისა, რომლებიც მაღალი ქულებით შეფასდა, რომ ერთგვარი ორიგინალი მიეცა მათ, როგორ უნდა გავცეს პასუხი ამა თუ იმ დავალებას. შესაბამისად, იმედოვნებ, რომ მომავალი წელი უფრო ნარმატებული იქნება.

შედარებით ნარმატებული იყო საგნობრივი გამოცდები – პირველი-მეექვსე კლასების ქართული ენისა და ლიტერატურის გამოცდაზე ნარმატებული აღმოჩნდა 28%, ბუნებისმეტყველების გამოცდაზე – 25%, მათემატიკის – 21%. პრინციპში, არც ეს არის ძალიან მაღალი პროცენტი, მაგრამ 7%-ს ბევრად ჯობია. უნდა ვთქვათ ისიც, რომ ამ გამოცდებზე, ფორმატის თვალსაზრისით, უფრო მარტივი სამუშაოა – ერთ საგანს მოიცავს და მათემატიკის მასწავლებელი მხოლოდ მათემატიკაზე მუშაობს. ცხადია, მასაც აქვს ანალიტიკური წერის ნაწილი და ნაკითხულის გააზრების ნაწილი შესასრულებელი, ასევე აქვს აუცილებლად კითხვისა და წერის სწავლების ნაწილი, რაც პედაგოგთა ძალიან სერიოზულ პროტესტს იწვევს. რამდენიმე შემთხვევაში მივიღეთ – ბუნებისმეტყველების ან მათემატიკის მასწავლებლებმა რატომ უნდა იცოდნენ ეს საკითხები. ეს ნაწილი ძალიან მნიშვნელოვანია დაწყებითი საფეხურზე მუშაობისას, სულერთია, რა საგანს ასწავლი და როგორაც უნდა დამკვიდრდეს მიდგომა, რომ მარტო ქართული მასწავლებელი არ ასწავლის წერა-კითხვას. ძალიან ბევრ მოსწავლეს პრობლემა მათემატიკაში ან ბუნებისმეტყველებაში სწორედ იმიტომ

უჩნდება, რომ კითხვა არ იცის კარგად, დავალების/ამოცანის პირობას ვერ კითხულობს და ვერ იაზრებს და ამიტომ ვერც ასრულებს მას. შეიძლება ძალიან კარგად იცოდეს მიმართება და გამოკლება, მაგრამ ვერ გაიგოს, რას ავალეს დავალება და ამიტომ ვერ აღწევს წარმატებას. რომ ვერ იგებს, შემდეგ უარყოფითი დამოკიდებულება უჩნდება. ეს მნიშვნელოვანი ფაქტორია, რაც აუცილებლად უნდა გაითვალისწინოს მათემატიკის და ბუნებისმეტყველების მასწავლებელმა. მათ უნდა შეძლონ ამა თუ იმ მოსწავლის პრობლემის ამოცნობა და დახმარება. ყველაფერი ქართული ენის მასწავლებელზე არ უნდა იყოს გადაბარებული. პირველ, მეორე და მესამე კლასებში ყველა გაკვეთილზე უნდა ვიმუშაოთ კითხვის და წერის უნარის განვითარებაზე. მათემატიკის მასწავლებელმა უნდა გაუხსნოს მოსწავლეს, თუ ის წერის დროს ასოებს ტოვებს, ან ანაცვლებს, ან სწორად ვერ კითხულობს... დახმარების სწორი სტრატეგია უნდა შესთავაზოს ისევე, როგორც ქართული ენის მასწავლებელმა. ეს დამოკიდებულება ჩვენს პედაგოგებში ჯერ არ არის. არიან პედაგოგები, რომლებიც ამ გამოცდას აბარებენ, მაგრამ დანებობენ სა-

ფეხურზე არ უსწავლებიათ (მეშვიდე-მეთორმეტე კლასების პედაგოგები), მათთვის ეს განსაკუთრებით ახალია, მაგრამ აუცილებელი პირობაა იმისათვის, რომ პირველ კლასში ასწავლო, უნდა იცოდეს, რა პრობლემებს წააწყდება ბავშვი ტექსტის, სიტყვების, წინადადების ან რიცხვების კითხვისას. თუ პრობლემა არის, ისიც უნდა იცოდეს, როგორ გადაჭრა.


გარკვეული წინააღმდეგობის მიუხედავად, ტესტის ეს ნაწილი აუცილებლად დარჩება და გვინდა, რომ მასწავლებლებმა ცვალონ მისი მნიშვნელობა. ყველა პედაგოგმა განსაკუთრებული ყურადღება უნდა დაუთმოს იმას, თუ როგორ წერს და კითხულობს მოსწავლე. თუ ეს ორი უნარი სათანადოდ არ არის განვითარებული დანებობით საფეხურზე, მაღალ საფეხურებზე აუცილებლად გვექნება პრობლემა. ამიტომ, გვინდა მოვუწოდოთ პედაგოგებს, რაც შეიძლება მეტი იმუშაონ ამ საკითხზე. გამოცდების ეროვნული ცენტრის კვლევის ჯგუფმა გამოქვეყნა კრებული – „როგორ ვასწავლოთ კითხვა“, რომელშიც კითხვის სწავლების თანამედროვე მიდგომები თავმოყრილი. პედაგოგებს შეუძლიათ გაეცნონ ამ კრებულს, რთული ნამდვი-

ლად არაფერია, არის ყოველდღიურ გამოცდილებაზე დაფუძნებული დავალებები და არა თეორიული, პრაქტიკის მონაცემები. მათი შესრულება ნამდვილად შეიძლება, თუკი ვიცნობთ ამ ასაკის მოსწავლეს და წარმოგვიდგინა, როგორ უნდა ვიმუშაოთ მასთან. თუ დანებებით საფეხურის სერტიფიკატის აღებას ვაპირებთ, აუცილებლად უნდა ვიცოთ მზად 6-7 წლის მოსწავლესთან ურთიერთობისთვის.

ასეთი მოსაზრება იყო, თითქოს ძალიან რთული ტესტები შევთავაზოთ მასწავლებლებს და ამასთან დაკავშირებით იყო რამდენიმე კრიტიკული შენიშვნა. თუმცა ცალკეული დავალება რომ ვნახოთ, ასეთი შთაბეჭდილება ნამდვილად არ დავგრძობ. დავალებებმა მოიცვა ყველაფერი, რაც სტანდარტშია წარმოდგენილი. მაქსიმალურად დიდი ნაწილი სტანდარტისა უნდა დაიფაროს, რომ შემომხედეს სტანდარტთან მასწავლებლის ცოდნისა და უნარების შესაბამისობა, გამოცდის დანიშნულება ეს არის. 5-საათიანი გამოცდა თავისთავად მაინც სტრესია და ყველაფერი ერთად განაპირობებს იმას, რომ ერთი შეხედვით ძალიან მარტივ დავალებებსაც ვერ ვუმკლავდებით. ეს ძალიან ბუნებრივია,

ცენტრის თანამშრომელი ყოველთვის ვამბობთ, რომ არ უნდა ვაქციოთ ზედმეტ ტრადიციად და ჩვენს პრესტიჟზე ეს არ უნდა აისახოს. ძალიან კარგად გვიცნობენ მასწავლებლებიც, სკოლის ადმინისტრაციაც, მშობლებიც, მოსწავლეებიც და მხოლოდ ერთი 5-საათიანი გამოცდის საფუძველზე რადიკალური გადაწყვეტილებების მიღება ჩვენს კვალიფიკაციასთან დაკავშირებით ძალიან რთულია და ცხადია, არ მოხდება.

იმედი გვაქვს, მომავალში თვითონ სისტემა მასწავლებლის შეფასებისა უფრო დაიხვეწება და, სამწუხაროდ, როგორც დღეს არის – მხოლოდ გამოცდაზე დაფუძნებული – არ იქნება. თავიდან ასეც იყო ჩაფიქრებული, გამოცდა უნდა ყოფილიყო ერთი კომპონენტი, ბევრ სხვასთან ერთად, მაგრამ აღმოჩნდა, რომ ერთადერთია, რაც ნამდვილად არ არის სწორი. იმედი გვაქვს, რომ მომავალში ეს შეიცვლება – დამატება პრაქტიკული კომპონენტი, ანუ გაკვეთილზე როგორ ასწავლის მასწავლებელი. სხვადასხვა კომპონენტების შეფასებით უფრო სრული სურათი გვექნება და ჩვენი პედაგოგებიც უკეთ წარმოჩნდებიან.



გვისუსაზრება ვაფასებისა და გამოცდავის ეროვნული ცენტრის ბიოლოგიის ჯგუფის ხელმძღვანელი ანივესტო შათირიშვილი

– ბატონო ანივესტო, როგორც ბიოლოგიის ჯგუფის ხელმძღვანელი, როგორ შეაფასებდით პედაგოგთა სასერტიფიკაციო გამოცდის შედეგსა და ერთიან ეროვნულ გამოცდას ბიოლოგიაში?

– მასწავლებელთა სასერტიფიკაციო გამოცდებისა და მოსწავლეთა ერთიანი ეროვნული გამოცდების შედეგები შეიძლება მივიჩნიოთ ერთგვარ დიაგნოზად, რომელმაც გამოავლინა ჩვენი ქვეყნის განათლების სისტემაში არსებული ნაკლოვანებები. გამოცდების ეროვნულმა ცენტრმა დასვა დიაგნოზი, როგორც უნდა იყოს ის – მოსაწონი თუ მიუღებელი, ჩვენ ვაჩვენებთ რეალური სურათი – როგორია მდგომარეობა. ჩვენი საქმე მხოლოდ შეფასებაა, ანუ ჩვენ ვართ ინდიკატორი – რა მდგომარეობაა დღეს ჩვენს სკოლაში. თქვენს შეკითხვაზე პასუხს დავიწყებ მასწავლებლებით, იმიტომ რომ ყველაზე შემაფოთებული მდგომარეობა პედაგოგებთან გვაქვს.

რა არის ამის მიზეზი? ის ხომ არა, რომ ჩვენ ძალზე რთული ტესტები შევადგინეთ? ნებისმიერ ექსპერტს აჩვენებთ აბიტურიენტთა ტესტური დავალებები და დავალებები, რომლებიც პედაგოგებისათვის იყო გამიზნული. ვფიქრობ, ყველა მათგანი დაგიდასტურებთ, რომ სირთულის თვალსაზრისით მათ შორის დიდი განსხვავება არ არის. იგი ეროვნულ სასწავლო გეგმასა და ერთიან ეროვნულ საგამოცდო პროგრამას არ სცილდება. სამწუხაროდ, ამისდა მიუხედავად პედაგოგების 77.7%-მა კომპეტენციის ზღვარი ვერ გადალახა.

აუცილებელია გავიაზროთ და გავაანალიზოთ ამის მიზეზები. თუმცა აქ იმდენი მიზეზია, გაზეთის ერთი ნომერი კი არა, ყველა მომდევნოც არ ყოფილა, შეჩერდებით მხოლოდ ზოგიერთ მთავანზე.

პირველი და მთავარი რა არის – ბიოლოგიაში, 90-იანი წლების შემდეგ, არსებული გარდაქმნები, შეიძლება პირდაპირ ვთქვათ, რე-

ვოლუცია მოხდა. 90-იანი წლებიდან მოყოლებული, ვიდრე თუნდაც 2010 წლის ჩათვლით, გააანალიზეთ, რა ეკონომიკური მდგომარეობა იყო საქართველოში. განა ვინმეს პედაგოგებისათვის ეცალა? იყო თუ არა მაშინ ისეთი ტექნიკური საშუალებები, როგორც დღეს არის? სამწუხაროდ, საგანმანათლებლო გადაცემები ქართულ ტელევიზიაში არ არსებობს, მხოლოდ ყვითელი პიარი ჭარბობს და ყველაფერი პოლიტიკურ ფონზე მიდის. ამრიგად, საგანმანათლებლო გადაცემებისათვის, გინდა გაზეთები აიღეთ, არავის სცალია. აი, ამის შედეგი – ბიოლოგიაში მოხდა დიდი ძვრები და ამან, თითქოს, შეუმჩნევლად ჩაიარა, მასწავლებლებს ეს არ შეეხო, მათ სათანადო ინფორმაცია ვერ მივანოდეთ. არ არსებობს ისეთი ლიტერატურა, წიგნი, რომელიც პოპულარულად მიაწოდებდა მათ ამ ინფორმაციას.

შემდეგი მიზეზი – ჩატარდა რეფორმა, ანუ ახალი სტანდარტი შემოვიდა. როგორ შემოვიღეთ ჩვენ ის? რა თქმა უნდა, ნაუცბათევადა. განათლება შოკურ თერაპიას ვერ იტანს, ეს უნდა მომხდარიყო თანდათანობით, დაკვირვებისა და კვლევის საფუძველზე და არავინ დაზარალებოდა. მასწავლებლებს ეს კოლესალური ინფორმაცია უცებ ზვავივით დაატყდა თავს. დაირღვა ძველი სისტემა, სხვაგვარად რომ ვთქვათ, გერმანულ-რუსული მოდელი და გადავიდით ამერიკულ, ნაწილობრივ ევრო-ამერიკულ მოდელზე. ამისთვის მასწავლებელი აბსოლუტურად მოუზადებელი იყო, იყო გარკვეული მცდელობები საამისოდ, მაგრამ აბსოლუტურად არასაკმარისი. სრულიად ახალი ნოვაცია შევთავაზეთ და ამით მასწავლებელი შევაძინეთ. ეს იქიდანაც ჩანს, რომ კულტურებში თუ გაიგონებთ ჩივილს ან კრიტიკულ შენიშვნებს, ვერსად ვერ წაიკითხავთ (ვერც თქვენს გაზეთში და ვერც სხვაგან) ამ თემის ირგვლივ კრიტიკულ სტატიებს – როგორ აფასებენ მასწავლებლები საგნობრივ სტანდარტს, სასკოლო სახელმძღვანელოებს, ან, ზოგადად, ეროვნულ სასწავლო გეგმას, როგორ წარმოუდგენიათ მისი მომავალი განვითარება და ა.შ. ამგვარი მსჯელობა, აზრებისა და გამოცდილების გაცვლა-გამოცვლა, მჭიდრო კომუნიკაცია და ურთიერთთანამშრომლობა პრაქტიკოს მასწავლებლებსა და განათლების სხვადასხვა სფეროს სპეციალისტებს შორის მხოლოდ წაადგება საქმეს, ხელს შეუწყობს სწავლასწავლების პროცესის შემდგომ განვითარებას და სრულყოფას. აქედან გამომდინარე, ვფიქრობ, აუცილებელია, რომ საგნობრივი სტანდარტების შემუშავების პროცესში მასწავლებელთა უფრო ფართო წრე იყოს ჩართული.

კიდევ ერთი პრობლემა მეთოდური ლიტერატურის ნაკლებობაა, „შიშილი“, შეიძლება ასეც ითქვას. ვერ დამისახელებთ ვერც ერთ მეთოდურ ლიტერატურას, წიგნს (რა თქმა უნდა ბიოლოგია მაქვს მხედველობაში), რომელიც დაეხმარება მასწავლებელს. როდესაც ცენტრი მასწავლებლების სერტიფიცირებას იწყებდა, ვიცოდით ამ პრობლემის წინაშე რომ აღმოვჩნდებოდით. ცენტრმა მოამზადა მასწავლებლებისათვის დამხმარე სახელმძღვანელო იმ პროგრამის მიხედვით, რაც განათლების სამინისტრომ დაამტკიცა. სამწუხაროდ, ამ წიგნს არც დადებითი და არც უარყოფითი გამოხმაურება არ მოჰყოლია. მივიდა კი პედაგოგებამდე? ალბათ, არ

მისულა, მას პოპულარიზაციას არავინ უწევს.

მასწავლებელი ძალიან გადატვირთული და გადაღლილია. ჩვენ ისინი კი არ უნდა დაგვეშინებინა, მათ გვერდით უნდა დავმდგარიყავით და ერთად ჩავგეტარებინა ეს რეფორმა. ერთ-ერთი თბილისელ პედაგოგს ვკითხე, რითი მოემზადა გამოცდისათვის და მიპასუხა – სასკოლო სახელმძღვანელოებით, სხვა არ ვიცო. რა თქმა უნდა, მივეცი ჩვენ მიერ მომზადებული სახელმძღვანელო. თბილისში რომ ასეა, სოფლებში რა მდგომარეობა იქნება. განა ყველას მიუწვდება ხელი ინტერნეტზე?

ცალკე თემა სასკოლო სახელმძღვანელოები, რა სახელმძღვანელოსთან გვაქვს საქმე. მართალია, ბიოლოგიაში ჩვენ ამის ტრადიცია არ გვექონდა, ძირითადად ვიყენებდით საკმაოდ კვალიფიციურ, რუსულიდან ნათარგმნ სასკოლო ლიტერატურას, რომელიც ასე იყო დალაგებული – ბოტანიკა, ზოოლოგია, ანატომია და ფიზიოლოგია ადამიანისა და ზოგადი ბიოლოგია. ეს მოიშალა და შემოვიდა ახალი სახელმძღვანელოები, რომლებიც ეროვნულ სასწავლო გეგმას დააფუძნებული. როგორია ეს სახელმძღვანელოები? სამწუხაროდ, ისინი ხშირად ელემენტარულ კრიტიკას ვერ უძლებს. მე არსად არ წამიკითხავს რეცენზია ამ წიგნების შესახებ. სახელმძღვანელო რომ გადავშალოთ, ვნახავთ, რომ ერთ გვერდზე ერთი წერია, მეორეზე – მისი საწინააღმდეგო. რა ქნას მასწავლებელი – იმ პირველ გვერდს დაუჯეროს თუ მომდევნოს? ამას ემატება კიდევ მასწავლებლის წიგნი, უფრო სწორად, მისი არარსებობა. აი, ახლა ვიჩვენებთ, რა დიდი მოსწავლის წიგნი და შეადარეთ მასწავლებლის წიგნი, ხედავთ, შედარება არ არის, როგორი მიზეზური და მწიბრი მასწავლებლის წიგნი, შერჩევით არის განხილული გაკვეთილები, რომელიც ავტორს მოესურვა. მასწავლებლის წიგნი ყველა თემა უნდა იყოს ამომწურავად განხილული, რათა მასწავლებელს არ დასჭირდეს სხვაგან სტატიების მოძიება, უნდა დაეხმაროს მას ნოვაციის, ახალი მასალის ათვისებაში. არსებული სახელმძღვანელო, ფაქტობრივად, არაფერს აძლევს მასწავლებელს – ფორმალური, უხეირო, შეცდომებით დახუნძლული, არ არის გათვალისწინებული მოსწავლის ასაკი, ფსიქოლოგია. შეიძლება ერთ გაკვეთილში ოცზე მეტი ახალი ტერმინი მიაწოდოს მოსწავლეს? ისეთი შთაბეჭდილება რჩება, თითქოს ცალკეა პედაგოგია, ცალკეა სამინისტრო, ცალკეა მასწავლებელი – ეს უნდა იყოს კომპლექსური, ერთად უნდა იყვნენ.

კიდევ ერთი რამ – დაიხურა პედაგოგიური ინსტიტუტები და ყველა „ბუჩქის ძირას“ გაიხსნა კადემიები და უნივერსიტეტები, რომლებმაც მოამზადეს კადრები. არავის უკითხავს, რას ასწავლიან, ვინ ასწავლის ან რა დონის კურსდამთავრებულები გამოვლენ ამ უმაღლესი სასწავლებლებიდან. საყოველთაო უმუშევრობის დროს, ყველაზე ღია კარი აღმოჩნდა სკოლა და მიაშურეს სკოლას ექიმებმა, ზოოვეტდამთავრებულებმა, სასოფლოდამთავრებულებმა. ცხადია, პროფესიული გადაზადების წინააღმდეგ არავინ შეიძლება იყოს, მაგრამ ამას გარკვეული მიდგომა, ერთიანი ხედვა და გონივრული სტრატეგიის შემუშავება სჭირდება, რაც არ მოხდა. სულ ახლახან შეიქმნა მასწავლებლის სახლი, რაც ძალიან კარგია. მართალია, ეს

დაგვიანებული იყო, მაგრამ კარგი ნაბიჯი გადაიდგა. გვაქვს თუ არა იქ პრობლემები? გვაქვს. მასწავლებელი მიდის ერთი თვით ან თხუთმეტი დღით კვალიფიკაციის ასამაღლებლად. ასეთი მოკლე ვადა საქმეს არ შეეძლება. ამდენი ნოვაცია, ახალი წიგნები და თქვენ გინდათ, რომ მასწავლებლები თხუთმეტ დღეში ყველაფერი ათვისოს? მასწავლებლის გადაზადება უნდა ხდებოდეს გრძელვადიანი კურსების მეშვეობით, კვალიფიციური სპეციალისტების მიერ და ეს არ უნდა იყოს იმპულსური, არამედ სისტემაური – ორ-სამ წელიწადში ერთხელ უნდა ტარდებოდეს. ადრე იყო დამზადების ინსტიტუტები, რომლებიც გაქრა და შეგვრჩა თხუთმეტდღიანი გადაზადების ფორმალური, შეიძლება ასეც ითქვას, კურსები. ეს საქმეს არ შეეძლება. ამასთან, ამ კურსებზე, ძირითადად, ხელი მიუწვდება თბილისში და რაიონულ ცენტრებში მცხოვრებთ. შორეულმა სოფლებმა რა ქნან? იქ ხომ უამრავი მასწავლებელია, განა მათ აქვთ საშუალება, რომ ჩამოვიდნენ და ერთი თვე, თუნდაც თხუთმეტი დღე დაესწროთ კურსებს? სოფელში უამრავი საქმეა და მასწავლებელი ჩვენგან მიტოვებულია. ამგვარად, მოსაფიქრებელი და შესაშუშავებელი გვაქვს მასწავლებელთა კვალიფიკაციის ამაღლების ეფექტური და მოქნილი სისტემა.

ხედავთ, რამდენი პრობლემაა, მე თქვენ მხოლოდ მცირედი დავასახელებთ, უამრავი სხვა შეიძლება დავასახელოთ. ჩვენ, ფაქტობრივად, მასწავლებელი გავწირეთ, შევაშინეთ და, ბუნებრივია, რომ შედეგიც ამგვარი გვაქვს. ამაში ყველა დამნაშავე. გავისხენოთ ილია ჭავჭავაძის „სარჩობელახედ“ – ჩვენ ყველანი პეტრეს როლში გამოვდივართ, ვამონებთ მაშინ, როდესაც მასწავლებელს არ ვუქმნით სათანადო პირობებს. ყველას გვახსოვს განათლების მინისტრის ყოფილი მოადგილე, რა პათეტიკურად საუბრობდა მასწავლებელთა კომფორტზე, მაგრამ რეალურად განა შეუქმნით მასწავლებელს კომფორტული პირობები იმისათვის, რომ სასერტიფიკაციო გამოცდებს უმტკიცებულად ჩაეველო მათთვის? რა თქმა უნდა, არანაირი კომფორტი მასწავლებლისთვის არ შეგვიქმნია და ვთხოვლობთ იმაზე მეტს, რაც მივეცი. ჯერ უნდა დათესო და მოსავალი მერე უნდა აიღო. ჩვენ არაფერი დავგვიტყვი და გვინდა მოსავალი ავიღოთ. ასე არ ხდება. შედეგიც სახეზეა.

ჩვენ ველოდით, რომ შედეგი არ იქნებოდა კარგი, ვიცოდით, რომ მასწავლებელს უჭირს, სჭირდება მეთოდური სახელმძღვანელოები (ბიოლოგიაში დამხმარე წიგნიც ამიტომ შევქმენით), მაგრამ რა უნდა გავაკეთოთ ცენტრმა – ჩვენ მხოლოდ ვამონებთ ცოდნას. მართალია წიგნის მომზადება ჩვენი საქმე არ არის, მაგრამ პედაგოგთა დასახმარებლად მაინც მოვამზადეთ და გამოვეცით. გარდა ამისა, სისტემატურად ვანყობთ პედაგოგებთან შეხვედრებს, ინფორმაციას ვანვდივით მათ, ჩვენს ვებგვერდზე აიტვირთა მომზადებული კრებულის ელექტრონული ვერსიებიც. მაგრამ ეს არ არის საკმარისი, ეს არ არის მეთოდური დახმარება. ჩვენი მოვალეობაა მასწავლებლებს გავაცნოთ გამოცდების პროცესუალური მხარე და არა მათი მომზადება.

გამოსვლა - შედეგები, პრობლემები, მიზნები

მესამე გვერდიდან

მასწავლებელი აბიტურიენტი არ გახლავთ, რომ მოამზადო იმისთვის, რომ გამოცდები კარგად ჩააბაროს. არა, მასწავლებელს თანადგომა და ცოდნის, კვალიფიკაციის ამაღლება ესაჭიროება, რაც სხვა ინსტანციების მოვალეობაა. როდესაც მე სხვადასხვა სპეციალობადამთავრებულები ვახსენებ, მათ სჭირდებათ კარგი გადამზადება იმ დისციპლინების მიხედვით, რომლებიც ოდესღაც ისწავლეს და დაავიწყდათ ან საერთოდ არ უსწავლიათ, მაგალითად, ევოლუციური მოძღვრება საერთოდ არ ისწავლებოდა არც სამედიცინოში, არც ზოოვეტში და არც სასოფლო-სამეურნეო ინსტიტუტში, ასევე, რიგი სხვა დისციპლინებისა, რომლის ცოდნა ბიოლოგიის მასწავლებლისთვის აუცილებელია. ისინი უნდა გადამზადებულიყვნენ ამის მიხედვით, რაც არ მოხდა. ისინი პირდაპირ შეუშვეთ სკოლაში, ამიტომ, ბუნებრივია, რომ ვერ აბარებენ, ტესტში დასაშვალ ელემენტარულ კითხვებს ვერ სცემენ პასუხებს.

ჩვენ რომ მოსწავლეებს სასწავლო ოლიმპიადის მესამე ტურზე ვანვლით ამოცანებს, ვფიქრობ, ბევრ პედაგოგს გაუჭირდება მათ-

ზე პასუხის გაცემა, რომ აღარაფერი ვთქვათ საერთაშორისო ოლიმპიადებზე. მე იმის თქმა არ მინდა, რომ კარგი, პროფესიონალი პედაგოგები არ არიან, ბევრი პროფესიონალი მასწავლებელი გვყავს და სწორედ მათი მოსწავლეები იმარჯვებენ ოლიმპიადებზე, მაგრამ სამწუხაროდ, მათი რიცხვი არცთუ ისე ბევრია.

ახლა, რაც შეეხება აბიტურიენტებს. არის თუ არა ასეთი საგანგაშო შედეგი, რომელიც აბიტურიენტებმა ბიოლოგიის გამოცდაზე აჩვენეს? განსაკუთრებული არაფერი მომხდარა, მაგალითად, 2010 წელს მოსწავლეთა 26.4%-მა კომპენტენციის მინიმალური ზღვარი ვერ გადალახა. არავითარი ხმაური ამას არ მოჰყოლია. რატომ არის წელს საზოგადოება ასე აუტირებული? გასულ წელზე ვერაფერს გეტყვით, იმიტომ რომ ჩვენმა ჯგუფმა, მაშინ პროტესტის ნიშნად, დატოვა გამოცდების ეროვნული ცენტრი. ფაქტი ის არის, რომ 5%-ია მხოლოდ ჩაჭრილთა რაოდენობა, ასეთი დაბალი მაჩვენებელი არასდროს ყოფილა. თუ რა მოხდა, დასკვნა მკითხველმა თავად გამოიტანოს. შეიძლება მე გარკვეული ეჭვი შექონდეს, მაგრამ ეს მხოლოდ ეჭვია და არანაირი საფუძველი არ გამაჩნია. მხოლოდ ციფრებს მოვიტან ნლების მიხედვით - 2010

წელს - 26.4, 2011 წელს - 10.6 და მიმდინარე წელს - 19.4. არის ეს საგანგაშო თუ არა? რა თქმა უნდა, არა. მარტივი მიზეზის გამო - მაგალითად, მე არაფერი არ ვიცი ბიოლოგიაში და შემოსახაზი დავალებები რომ შემოვხაზო ალალებდებო, ქულების 25 პროცენტს მოვავროვებ. ალბათობის თეორიის მიხედვით, ოთხიდან ერთი პასუხი რომ უნდა შემოხაზო, 25%-ია ალბათობა, რომ სწორ პასუხს გაცემ. ეს რომ გამოირიცხოს აუცილებელია ეროვნული გამოცდებისას მინიმალური კომპეტენციის ზღვარი 25%-ზე მეტი იყოს. ტესტების დამუშავებისას ვხედავთ, რომ ზოგჯერ აბიტურიენტი მოუშვადებელია. ხოლო ვინც კარგად მოეშადა, მაღალი შეფასებაც მიიღო და ჩააბარა. ჩემი შეხედულება შეიძლება სუბიექტურია, მაგრამ მიმაჩნია, რომ არ არის სკოლებში ბიოლოგიის სწავლა სათანადო დონეზე, სახელმძღვანელოების გამო. მასწავლებელი შუამავალი რგოლია წიგნსა და მოსწავლეს შორის, რა ქნას მასწავლებელმა, როდესაც წიგნი არ ვარგა, შეცდომებია და მოსწავლე საშინაო დავალებას დასაშვალად ვერ ისწავლის. არსებული სახელმძღვანელო მასზე დამოუკიდებლად მუშაობის საშუალებას არ იძლევა. შეიძლება მე ვცდები, მაგრამ არაერთხელ მისაუბრია გამოცდულ

პედაგოგებთან, ჩუმად ისინი ამაზე საუბრობენ, მაგრამ ხმამაღლა თქმას ვერ ბედავენ, რადგან ასე დამკვიდრდა, რომ წიგნი ავტორიტეტია და როგორ შეიძლება, იქ შეცდომა იყოს?! შეცდომა ყველგან ხდება!

შედეგი სახეზე გვაქვს და ამას გამოსწორება უნდა, მაგრამ ერთი პიროვნება, ერთი კონკრეტული პედაგოგი ამას ვერ დაძლევა, საჭიროა სახელმწიფოებრივი მიდგომა, რაც არასდროს არ ყოფილა. წინა მმართველობა პიარზე იყო გადასული, შედეგებს ალაპაზებდნენ. რატომ დავტოვეთ ჩვენ გამოცდების ცენტრი? იმიტომ, რომ შედეგების გადაკეთება უნდოდათ. ეს ჩვენთვის მიუღებელი იყო. კი არ უნდა შევალამაზოთ, რეალობას თვალი უნდა გავუსწოროთ, დღევანდელი რეალობა ასეთია, ჩემი გამოცდებით არაერთი მიზეზი, რასაც გამოსწორება უნდა. ამას ვერც ცალკე პიროვნება და ვერც ცალკე სამინისტრო ვერ შეძლებს. კომპლექსურ დავალებას კომპლექსური მიდგომა სჭირდება. ჩემი აზრი ასეთი გახლავთ, დამეთანხმებით თუ არა, ეს უკვე თქვენი საქმეა.

ესაუბრა
ლალი თვალაბაიშვილი

სადისკუსიო კლუბი

განათლების სისტემა რადიკალურ ცვლილებებს საჭიროებს

მასწავლებელთა გამოცდების, სერტიფიცირების კატასტროფულმა შედეგებმა, შეიძლება ითქვას, შეამფარო და დააფიქრა მთელი საზოგადოება. დღის წესრიგში დგება საკითხი, საჭიროებს თუ არა ქვეყნის განათლების სისტემა სერიოზულ, ძირითად ცვლილებებს? თუ კითხვას საფუძვლიანად გავაანალიზებთ, დამეთანხმებით, რომ ჩვენი განათლების სისტემა აუცილებლად საჭიროებს, და თანაც სწრაფ, რადიკალურ ცვლილებებს, რომელიც აგერ უკვე 22 წელია მიმდინარეობს და დღესაც არ დასრულებულა. ამ წერილში არ ვაპირებ განათლების სისტემის რეფორმის ვრცელ ანალიზს, ვიტყვი მხოლოდ იმას, რომ ჩატარებულ რეფორმას აქვს როგორც დადებითი, ასევე უარყოფითი შედეგები. ასე მაგალითად, კარგად იმუშავა ერთიანი ეროვნული გამოცდების შემოღებამ აბიტურიენტთათვის, გაუმჯობესდა სკოლების მატერიალურ-ტექნიკური ბაზა, ასევე დადებითი მომენტად უნდა ჩაითვალოს მასწავლებელთა სერტიფიცირება, რომელმაც დაგვანახა ის მდგომარეობა, რაც ამ 22 წლის განმავლობაში ჩვენგან დამოუკიდებლად ყალიბდებოდა.

განათლების რეფორმა უნდა გაგრძელდეს, შეინარჩუნოთ დადებითი მიღწევები და ვეძიოთ ახალი გზები და საშუალებები მისი სრულყოფის და შემდგომი განვითარებისათვის. ამ პროცესში დიდი დახმარება შეიძლება გავიწიოს მონივრულ განათლების სისტემის მქონე ქვეყნების, ისეთების როგორებიც არიან: მარტინიკის კორეა, სინგაპური და ფინეთი, გამოცდების გაანალიზებამ და მორგებამ ქართულ ეროვნულ საგანმანათლებლო რეალობასთან.

ფინეთმა და სინგაპურმა ზემოთ ხსენებული პრობლემებიდან გამოსავალი მონახეს ერის ინტელექტუალური განვითარების გზის არჩევაში. მათ მძიმე ინდუსტრიის განვითარების ნაცვლად, გეზი აიღეს ცოდნაზე დაფუძნებული ეკონომიკის შენებაზე. საგანმანათლებლო სისტემა ამ ქვეყნებში საზოგადოებრივი და ეროვნული მისიის ნაწილი გახდა. ხოლო სამხრეთ კორეამ, მარტინიკამ, განათლების სისტემა სტრუქტურულად განავითარა დასავლური საგანმანათლებლო გამოცდებით, მაგ-

რამ შეინარჩუნა ეროვნული ღირებულებანი და ისინი ორიგინალურად მიუსადაგა თანამედროვე მსოფლიოს საბაზრო ეკონომიკურ-პოლიტიკურ რეალობას.

ცოდნაზე დაფუძნებული ეკონომიკა მოითხოვს ქვეყნის ინტელექტუალურ მოდერნიზაციას, რაც დაკავშირებულია მაღალკვალიფიციური კადრების მომზადებასთან და მაღალკვალიფიციური კადრების ბაზრის შექმნასთან უცხოური ინვესტირების მოზიდვის მიზნით და ექსპორტზე ორიენტირებული ეკონომიკის განვითარებასთან. ეს ჩვენთვის არ უნდა ყოფილიყო რთული მისაღწევი, რადგან ყოფილ საბჭოთა სივრცეში საქართველო, თავისი ინტელექტუალური ღირებულებებით, ერთ-ერთ მონივრულად ადგილზე იმყოფებოდა. მაგრამ საბჭოთა კავშირის დაშლის შემდეგ, არასწორმა სახელმწიფო მიდგომამ განათლების სისტემის შემდგომ განვითარებაზე (უფრო სწორი იქნება ვთქვათ, რომ 2003 წლამდე განათლების სისტემა ჩვენს ქვეყანაში თვითონებით მიედინებოდა) არსებული ინდუსტრიის დაახლოებით 90%-ის შეჩერებამ გამოიწვია ის, რომ ამ 22 წლის განმავლობაში ახალი კადრები, განსაკუთრებით, ტექნიკური დარგის მიმართულებით, ვეღარ მოვაშენებთ. მოხდა მაღალკვალიფიციური კადრების ქვეყნიდან გადინება სამუშაოს საძებნად. ხოლო ისინი ვინც შემოგვრჩა (თითქმის ყველა), საუბნისო ასაკისაა, აღარ მოხდა თაობათა ცვლა. სინგაპურისგან განსხვავებით, სასტარტო პირობები ჩვენ უკეთესი გვექონდა იმ მომენტი-სათვის, როდესაც დამოუკიდებლობა მივიღეთ.

ისმის კითხვა - რა არის ის ძირითადი, რის გამოც ვერ მოვახერხეთ ნარმატიული განათლების სისტემის ჩამოყალიბება?

მკითხველს კარგად მოეხსენება, რომ განათლების სისტემა ეფუძნება ქვეყნის იდეოლოგიას, პოლიტიკასა და აქედან გამომდინარე ეკონომიკას. ჩვენი განათლების სისტემის ნაკლი იმაში მდგომარეობს, რომ ახალი განათლების სისტემის შენება დაფუძნებული იდეოლოგიური საფუძვლის გარეშე. ეს იგივეა, რაც სახლის მშენებლობა საძირკვლის გარეშე. ჩვენ ვერ შევძელით საზოგადოებაში,

ენ. საბაზრო ეკონომიკური რეალობისადმი შესაბამისი ცნობიერების ჩამოყალიბება. ე.ი. არა ვვაქვს სრულყოფილი, კონკრეტულად გააზრებული და დღევანდელ გეოპოლიტიკურ რეალობასთან შეჯერებული სახელმწიფოებრივი იდეოლოგია, რომელზეც უნდა აგვეშენებინა ახალი დამოუკიდებელი სახელმწიფო, შესაბამისი ეკონომიკით. ანალოგიური პრობლემის წინაშე იდგა მსოფლიოს განათლების მონივრულ სისტემის ისეთი ქვეყნები, როგორებიცაა სინგაპური და ნაილობრივ ფინეთი. ეს პრობლემა ფინეთმა, სინგაპურმა (განსაკუთრებით რთული გადასაჭრელი იყო სინგაპურისათვის) ნარმატიული გადაჭრეს. ასე მაგალითად, სინგაპურისათვის ერის კონსოლიდაცია, პოლიტიკური განვითარება და ეკონომიკური ნარმატიება განაპირობა დამოუკიდებლობის მიღების შემდეგ ჩამოყალიბებულმა ახალმა საზოგადოებრივმა ცნობიერებამ, რომელიც დაკავშირებულია სინგაპურის მოქალაქეების ახალ სოციალურ მდგომარეობასთან, რაც, თავის მხრივ, განაპირობა ეროვნული ინტერესების განსაზღვრამ, რომლის ქვაკუთხედად იქცა ერთიანი სახელმწიფოებრივი ნარმოდგენა, თუ რას ნიშნავს იყო სინგაპურის მოქალაქე.

სინგაპურის მოქალაქეობა ნიშნავს ცალკეული პიროვნების ინტერესების თანხვედრას საერთო ეროვნულ სახელმწიფოებრივ ინტერესებთან (მოგესხნებათ, სინგაპური მრავალეროვანი სახელმწიფოა). იმდენად, რამდენადაც ჩვენი ქვეყანაც მრავალეროვანია, კარგი იქნებოდა სინგაპურის მსგავსად, ერის კონსოლიდაციისათვის, კონკრეტულად ჩამოგვეყალიბებინა „რას ნიშნავს იყო საქართველოს მოქალაქე“, სადაც გათვალისწინებული იქნება ჩვენი ქვეყნის ისტორია, კულტურა და საზოგადოებრივი ცნობიერება, რომელიც მისაღებია და წინდათან-მინდა იქნებოდა ქვეყნის სახელმწიფოებრივი შენებისა და განვითარებისათვის.

აღსანიშნავია, დღევანდელი მთავრობის სურვილი განათლების სისტემაში ცვლილებების შეტანის შესახებ, რაც ნაილობრივ განხორციელდა კიდევ. მეტი ავტონომიურობა და თავისუფლება მიეცათ სკო-

ლებს, მცირედ, მაგრამ მაინც გაიზარდა მასწავლებელთა ანაზღაურება. მოსწავლეებმა უფასოდ მიიღეს სახელმძღვანელოები. ასევე მისასაღებელია სახელმწიფოს სურვილი უფრო ფართო ჯგუფებთან განათლების შესახებ კონსულტაციები. 2013-წელს განათლებისა და მეცნიერების სამინისტროს ბიუჯეტი, დაახლოებით, 60 მილიონი ლარით გაიზარდა. შეიქმნა განათლების რეფორმების დამოუკიდებელი რეფორმის კომისია, რომელიც მუშაობს როგორც ზოგადგანმანათლებლო სკოლის, ასევე უმაღლესი სკოლის ახალ კონცეფციებზე. წინასწარ ვერ გეტყვით, თუ რა სახის ცვლილებებს შემოგვთავაზებენ ეს კომისიები საბოლოოდ, მაგრამ მანამდე, მიზანშეწონილად მივიჩნით, ფართო საზოგადოებისათვის გაგვეზიარებინა ჩვენი ხედვა განათლების სისტემაში გასატარებელი აუცილებელი ცვლილებების შესახებ, რომლებიც შემდეგნაირად დავაკონკრეტებ:

ა) კარგი იქნება, თუ საქართველოს მთავრობა ერთ-ერთ ძირითად ფაქტორად აირჩევს ქვეყნის ინტელექტუალურ მოდერნიზაციას, რომ სასწავლო პროცესში განხორციელდეს ეკონომიკური და პოლიტიკური ინტერესების შერწყმა. ამის კარგი გამოცდილება შეიძლება ვისცხოთ ფინეთისა და სინგაპურისაგან.

ბ) ამ მიზნის მისაღწევად ერთ-ერთი უპირველესი პირობაა შეიცვალოს მასწავლებლისადმი სახელმწიფოსა და საზოგადოების დამოკიდებულება. მასწავლებლის პროფესია უნდა გახდეს პრივილეგიებული პროფესია, მასწავლებლის ანაზღაურება უნდა გაიზარდოს და მიუახლოვდეს მსოფლიოს მონივრულ ქვეყნების მასწავლებლების ხელფასის დონეს. უნდა შეიცვალოს მასწავლებელთა მომზადებისა და კვალიფიკაციის ამაღლების არსებული სისტემა. დღეისათვის მასწავლებელთა მომზადების 60-კრედიტიანი მოსამზადებელი პროგრამა არასაკმარისია მაღალკვალიფიციური პედაგოგების მომზადებისათვის. უნდა შეიცვალოს მასწავლებელთა მოსამზადებელი პროგრამები და სასწავლო გეგმები. გაიზარდოს პედაგოგიური პრაქტიკის როლი. იგი უნდა შევიდეს უნივერსიტეტის აკადემიური პერსონა-

ლის დატვირთვაში. თანამედროვე გამოწვევების შესაბამისად, ძირითად შეიცვალოს პედაგოგიური პრაქტიკის სტრუქტურა, შინაარსი და პედაგოგიური პრაქტიკის ჩატარების მეთოდიკა;

გ) უნდა შეიქმნას პედაგოგიური პროფილის ინსტიტუტები და უნივერსიტეტები, რომლებიც ორიენტირებული იქნებიან მხოლოდ მასწავლებელთა მომზადებაზე ან, პირველ ეტაპზე, პედაგოგიური ფაკულტეტები.

შესაბამისად, უნდა შეიცვალოს მაგისტრატურისა და დოქტორანტურის პროგრამები. ამ პროგრამებში უფრო მეტი ყურადღება უნდა დაეთქვას პედაგოგიური კუთხით მომზადებას.

მასწავლებელთა მომზადება უნდა დაეწყოს სკოლის მერხიდან. იმის თქმა მინდა, რომ მომავალი მასწავლებლის შერჩევა, პროფესიული სპეციფიკიდან გამომდინარე, აუცილებელი პიროვნული თვისებების გათვალისწინებით უნდა დაეწყოს სკოლის ასაკიდან და გავაგრძელოთ რამდენიმე ეტაპად. ამის დადებითი მაგალითები მსოფლიოში მრავლად მოგვეპოვება. განსაკუთრებით კარგად ხორციელდება იგი კორეაში, ფინეთსა და სინგაპურში.

სინგაპურში, სანამ პედაგოგის პროფესიის დაუფლების მსურველი წარადგენს უმაღლეს სასწავლებელში განცხადებას პედაგოგიურ სპეციალობაზე ჩასაბარებლად, მანამდე, მინიმუმ, 5 კვირა სკოლაში უნდა გაატაროს, რათა გაეცნოს სკოლის ფუნქციებისა და პედაგოგიური მუშაობის სპეციფიკას. ამ პერიოდში გვევლინება მასწავლებელთა თანამშენებელი, ან ადმინისტრატორის თანამშენებელი ამ პრაქტიკისათვის სახელმწიფო თავად უხდის გარკვეულ ანაზღაურებას. პრაქტიკის დასრულების შემდეგ, აბიტურიენტს, სკოლის დირექტორი აძლევს დახასიათებას შესაბამისი შეფასებით. დადებითი შეფასების შემდეგ, მომავალი მასწავლებელი გადის შერჩევის პირველ ეტაპს, სადაც უნდა დააკმაყოფილოს მინიმალური საკვალიფიკაციო მოთხოვნები, რომელიც გულისხმობს მათი აკადემიური ჯგუფისათვის შესაფერისი რეიტინგის საშუალო შეფასებაზე მეტ შეფასების დონეს და

სადისკუსიო კლუბი

რაც მთავარია, მას უნდა ჰქონდეს მისწრაფება და სურვილი ბავშვებთან, მოსწავლეებთან მუშაობისა, უნდა მოსწონდეს და იცოდეს მასწავლებლის პროფესია, ანუ სხვა სიტყვებით რომ ვთქვათ, მონოდებული იყოს პედაგოგობისათვის.

მეორე ეტაპზე, პედაგოგობის კანდიდატი გადის ფუნქციონალურ ტესტებს და ცოდნის შემოწმებას სპეციალური საგნობრივი ტესტებით (ცალკეულ მაპროფილებელ საგნებში).

მესამე ეტაპი ეთმობა ე.წ. „ინტერვიუს“. სამი გამოცდილი ექსპერტი-საგან შემდგარი ჯგუფი ამოწმებს პედაგოგობის კანდიდატს პიროვნული მონაცემების ფუნქციონალური კუთხით, ეს ეტაპი ასევე მოიცავს პრაქტიკულ ტესტებს, მასწავლებლისათვის დამახასიათებელი აქტივობების შემოწმებას.

მეოთხე ეტაპი გულისხმობს ნაციონალურ პედაგოგიურ ინსტიტუტში სწავლას, სადაც მომავალი პედაგოგების სწავლისა და მომზადების პროცესი მკაცრად კონტროლდება. მასწავლებლობის კანდიდატი სტუდენტი, რომელიც თავისი მომზადების დონით არ შეესაბამება მოცემულ სტანდარტებს, პირველი სემესტრის შემდეგ ველარ აგრძელებს აღნიშნულ პროგრამაზე სწავლას. მას ეძლევა უფლება შეიცვალოს პროფესია და გადავიდეს სხვა პროგრამაზე. აღსანიშნავია, რომ ყველა ეტაპს, საშუალოდ, ექვსი კანდიდატიდან მხოლოდ ერთი გადის.

რაც შეეხება ფინეთს, აქ მასწავლებლად მუშაობისთვის აუცილებელია მაგისტრის ხარისხი. მასწავლებელთა სატრენინგო პროგრამები ქვეყნის ყველა რეგიონში ფუნქციონირებს უმაღლეს სასწავლებლებთან

შექმნილ სპეციალურ განყოფილებებზე. ამ ტრენინგების გავლის შემდეგ, 10 კანდიდატიდან მხოლოდ ერთი ახერხებს ჩარიცხვას მასწავლებელთა მოსამზადებელ პროგრამაზე, სადაც სხვადასხვა სახის ტრენინგებსა და ტესტირებებს გადის ყველა ტიპის (შეზღუდული შესაძლებლობების, ენობრივი ბარიერის მქონე და სხვა ტიპის ფიზიკური შეზღუდვების მქონე) მასწავლებელთა პედაგოგიური მუშაობისათვის. ასევე, გადის ტრენინგებს ცალკეული საგნების სწავლებასთან დაკავშირებით, საკუთარი სასწავლო გეგმის შემუშავების პრაქტიკას და სხვ.

რაც შეეხება კორეას, აქ მთელი დატვირთვით მუშაობს ძველი ეროვნული ტრადიციები საზოგადოებრივ ცხოვრების წესში, და მათ შორის სწავლის საკითხში. კორეაში არსებობს გამოთქმა „შენი მასწავლებლის ჩრდილსაც კი არ უნდა დააბიჯო“. ამ გამოთქმამიდან გამომდინარე, ნათელია, თუ როგორი ავტორიტეტით სარგებლობს მასწავლებლის პროფესია კორეაში და როგორ სცემენ მასწავლებელს პატივს.

კორეაში, სინგაპურისა და ფინეთისაგან განსხვავებით, სასწავლო პროცესში სხვა მეთოდიკა მუშაობს. კორეული ბავშვები თამაშობენ გაცილებით ნაკლებს, ვიდრე მათი ევროპელი თანატოლები, ისინი ძალიან ადრე იწყებენ ზრდასრული ადამიანის წესებით ცხოვრებას. ეს გამომწვეულია კორეის საზოგადოების სოციალური სისტემის მაღალი მობილობით. მათ მტკიცედ სწამთ, რომ გადარჩენის და მაღალი საზოგადოებისაკენ მხოლოდ ერთი გზა არსებობს, მაღალხარისხიანი სწავლა.

კორეის სასწავლო სისტემაში დღესაც შემორჩენილია მოსწავლე-

თა ფიზიკური დასჯა დისციპლინის დარღვევისათვის. კორეელ მასწავლებლებს კლასის მართვაში მინიმალური პრობლემები აქვთ. იქ მოსწავლეებს დაწვებითი კლასებიდან უფროთარებენ განსაკუთრებულ მონივნებასა და პატივისცემას შრომისადმი. კორეაში მასწავლებელთა მომზადება მაღალ დონეზე დგას. უმაღლეს სკოლაში მოსწავლედ ისინი აბარებენ საკმაოდ რთულ გამოცდებს. მაღალკვალიფიციური უმაღლესი განათლების გარეშე ადამიანს არანაირი შანსი არ აქვს მიიღოს საშუალო. აქედან გამომდინარე, უმაღლეს სკოლაში და მათ შორის პედაგოგიურ უნივერსიტეტებში, განსაკუთრებით მაღალია სწავლის დონე, რადგან იციან, რომ მასწავლებლობა კორეაში ყველაზე პრესტიჟული პროფესიაა. სამუშაოს მიღების შანსი კვალიფიკაციის ხარისხის პირდაპირ პროპორციულია.

ასეთი ექსკურსის შემდეგ, ჩნდება კითხვა – რომელ გამოცდილებას უნდა მივანიჭოთ უპირატესობა მასწავლებელთა მომზადების საქმეში, რომელი უფრო გამოსადეგი იქნება ჩვენი ქვეყნისთვის? ვფიქრობ, პირდაპირი კოპირება არც ერთი გამოცდილებისა არ ივარგებს, რადგან ისინი გამომდინარეობს კონკრეტული ქვეყნის თავისებურებებიდან. თუმცა, მიმაჩნია, რომ უფრო მისაღები სინგაპურისა და ფინეთის გამოცდილება და მათი ნაზავის მისადაგება იქნება ქართულ რეალობასთან.

რაც შეეხება მასწავლებელთა კვალიფიკაციის ამაღლებას, მაგალითად, ფინეთში მასწავლებელთა მომზადება არ მთავრდება კვალიფიკაციის მინიჭებით. იქ მასწავლებელი დამატებით ანაზღაურება იღებს კვალიფიკაციის ასამაღლებლად,

კვირაში მინიმუმ 2 საათს ანდომებს კვალიფიკაციის ამაღლებას. ამ მიზნით, ყველა რეგიონში არსებობს მასწავლებელთა კვალიფიკაციის ამაღლების ცენტრები.

სინგაპურში ყველა მასწავლებელს მთლიანად უნაზღაურდება წელიწადში კვალიფიკაციის ამაღლებისათვის 100 საათის დატვირთვა ნაციონალურ პედაგოგიურ ინსტიტუტში. მასწავლებელთა ხელფასები საკმაოდ ადემატება საშუალოს, კვალიფიკაციის ამაღლების აქტივობების მიხედვით. ასე მაგალითად, მასწავლებელი, რომელიც დიდ დროს ატარებს სკოლაში, მასწავლებელთან, ნაკლებ ანაზღაურებას იღებს იმ მასწავლებელთან შედარებით, რომელიც სისტემატურად იმაღლებს კვალიფიკაციას.

ანალოგიურად, მატერიალურად ნახალისებულია მასწავლებელთა კვალიფიკაციის ამაღლება კორეაში. რაც შეეხება ჩვენთან მასწავლებელთა კვალიფიკაციის ამაღლებას, ის მკვეთრად განსხვავდება იმ მოდელისაგან, რომელიც იყო საბჭოთა პერიოდში.

თავისთავად მასწავლებელთა ტესტირება დადებითი მოვლენაა, მაგრამ ტესტირების წინა პერიოდი ანუ ტრენინგების სისტემა, მოცულობა და მეთოდიკა არ შეესაბამება, ტესტირების მოთხოვნებს. ერთი ან ორკვირიანი ტრენინგი საკმარისი არ არის მასწავლებელთა გადამზადებისათვის. დღეისათვის სკოლაში მომუშავე პედაგოგთა უმრავლესობა კარგად არ იცნობს იმ პედაგოგ კლასიკოსებს და ფსიქოლოგებს, რომელთა თეორიების ცოდნა ევალებათ მასწავლებელთა ტესტირებით. ფაქტობრივად, დამოუკიდებლად უნვეთ მუშაობა ამ ახალი მასალის

შესწავლისთვის. თავად ტესტირება დღეისათვის მსოფლიოში აპრობირებული საგამოცდო მეთოდია, მაგრამ, ჩვენი აზრით, მასწავლებელთა სერტიფიცირება მარტო ტესტირებით შეფასების არასრული მეთოდია. აუცილებელია სერტიფიცირების დროს გათვალისწინებულ იქნეს მასწავლებლის პრაქტიკული საქმიანობა. მასწავლებლის პროფესია ისეთ პროფესიათა რიცხვს განეკუთვნება, სადაც კვალიფიკაციის შეფასებაში ძირითადი ყურადღება ზეპირ პრეზენტაციას უნდა მიეცეს.

მასწავლებელთა კვალიფიკაციაში აუცილებელია ძირითადი და რადიკალური ცვლილებები, რაც გამოიხატება შემდეგში:

- ა) უნდა აღვადგინოთ მასწავლებელთა დახელოვნების ინსტიტუტი, რომელსაც ფილიალები ექნება რეგიონებში, ან, პირველ ეტაპზე, არსებულ უნივერსიტეტთან გაიხსნას მასწავლებელთა მოსამზადებელი განყოფილებები, რომლის პროგრამა, როგორც ზემოთ აღვნიშნეთ, ვერ გამოგვადგება მასწავლებელთა მომზადების არსებული 60-კრედიტიანი პროგრამა. მათთვის უნდა შეიქმნას სხვა სახის პროგრამები.
- ბ) სახელმწიფო აუცილებლად უნდა დააფინანსოს მასწავლებელთა კვალიფიკაციის ამაღლების კურსები.
- გ) მასწავლებელთა კვალიფიკაციის ამაღლება უნდა ითვალისწინებდეს პედაგოგის მიერ საცდელი საკვალიფიკაციო გაკვეთილების ჩატარებას თანამედროვე საგანმანათლებლო ტექნოლოგიების გამოყენებით.

პაპას მურლაძე
გორის სახელმწიფო სასწავლო უნივერსიტეტი პროფესორი

ინფორმაცია

მიიძღვნა მასწავლებლის საერთაშორისო დღეს

5 ოქტომბერს, საქართველოს განათლებისა და მეცნიერების სამინისტროს მასწავლებელთა პროფესიული განვითარების ეროვნულ ცენტრში, საზეიმო მიღება გაიმართა. ღონისძიებას დედაქალაქიდან და რეგიონებიდან მონაწილე 100-მდე მასწავლებელი, მათი ტრენინგები და უფრნალ „მასწავლებლის“ ავტორი პედაგოგები ესწრებოდნენ.

„საქართველოს ყველა მასწავლებელს ვულოცავ მასწავლებლის დღეს, ვუსურვებ წარმატებას და წინსვლას. მასწავლებლობა ერთ-ერთი ყველაზე საპატიო, საპასუ-

ხისმგებლო და ღირსეული პროფესიაა. მას მხარდაჭერა სჭირდება. ჩვენ ერთად უნდა ვიზრუნოთ, რომ მასწავლებლის პროფესია დაფასდეს, ჩვენმა მოსწავლეებმა კი საუკეთესო შედეგებს მიაღწიონ.

გვეჯერა, რომ სახელმწიფოს წარმატება თუ წარუმატებლობა განათლების ხარისხზეა დამოკიდებული. ქვეყნის მომავალი საკლასო ოთახიდან იწყება, ამიტომ მასწავლებლის როლი განუზომლად დიდია. ჩვენ ერთად უნდა დავეძლიოთ პრობლემები და ვეცადოთ, მომავალი უკეთესი გვექნდეს. ჩვენ

ამას შევძლებთ“ – ამ სიტყვებით მიულოცა პროფესიული დღესასწაული განათლებისა და მეცნიერების მინისტრმა თამარ სანიკიძემ მასწავლებლის სახლში შეკრებილ სტუმრებს და საქართველოს ყველა მასწავლებელს.

მასწავლებლის დღე მიულოცა პედაგოგებს სამინისტროს მასწავლებელთა პროფესიული განვითარების ეროვნული ცენტრის დირექტორმა გია მამულაშვილმა.

საზეიმო მიღების ფარგლებში, მხატვარ ნინო ჩაკვეტაძის ნამუშევრების გამოფენაც გაიმართა.




სასარტიფიკაციო გამოცდა

გეოგრაფიის კედაბობთა დასახმარებლად



მარია ბლინიჩი გეოგრაფიის მეცნიერებათა დოქტორი

რუკის მნიშვნელობა გეოგრაფიის სწავლებისას



კარტოგრაფია მეცნიერებაა ობიექტური სინამდვილის საგნებისა და მოვლენების კონკრეტული სივრცის და მისი დროის მიხედვით ცვალებადობის შესახებ. ეს კონკრეტული სივრცე, როგორც სინამდვილის საგნებისა და მოვლენების ურთიერთგანლაგების წესრიგი, სამგანზომილებიანია, დროში ცვალებადი კონტინუუმი.

კარტოგრაფია სპეციფიკურ ხელოვნურ ნიშნობრივ სისტემას – „რუკის ენას“ და სპეციფიკურ მეთოდს – კარტოგრაფიულ მოდელირებას იყენებს. კარტოგრაფიული შემეცნების შედეგს საკვლევო სინამდვილის კარტოგრაფიული მოდელი წარმოადგენს, რასაც მეცნიერებაში და საზოგადოებრივ პრაქტიკაში რუკა ეწოდება.

მთელი სინამდვილის შესაბამისად, კარტოგრაფია და რუკები ორ დედამიწისულ და კოსმოსურ ჯგუფად იყოფა. პირველში გეოგრაფიული კარტოგრაფია და გეოგრაფიული რუკები, ხოლო მეორეში – ასტრონომიული კარტოგრაფია და ასტრონომიული რუკები შედის. რეალური სინამდვილის კონკრეტულ სივრცეს აქვს გარკვეული სტრუქტურა. მისი ელემენტებია ათვისის სივრცითი სისტემა და მის მიმართ ურთიერთგანლაგების დროში ცვალებად წესრიგში მყოფი საგნები და მოვლენები.

შესაბამისი სტრუქტურა აქვს იმავე სინამდვილის კარტოგრაფიულ გამოსახულებასაც (რუკას). გეოგრაფიული კარტოგრაფიისთვის ათვისის სივრცითი სისტემა მიჩნეულია დედამიწის საკოორდინატო ბადე – გრადუსთა ბადე, რომლის გამოხატულება სიბრტყეზე – კარტოგრაფიული ბადე – გეოგრაფიული რუკის მათემატიკურ საფუძველს წარმოადგენს და გარკვეული კარტოგრაფიული პროექციის დახმარებით მიიღება.

გეოგრაფიული სინამდვილის საგნების (მაგ., ოკეანეები და ხმელეთი, მდინარეთა ქსელი, რელიეფი, დასახლებული ადგილები და სხვ.), მოვლენების (მაგ., ატმოსფეროში მიმდინარე პროცესები, ზედაპირული ჩამონადენი, და სხვ.), მოსახლეობის ეროვნული შემადგენლობის, განათლებისა და ა.შ. გამოსახულებებს კარტოგრაფიული ბადის მიმართ ზუსტად ისეთივე განლაგება აქვს რუკაზე, როგორც სინამდვილეში. ეს არის სინამდვილის კარტოგრაფიული მოდელის უნიკალური თავისებურება, რაც მას დიდ მეცნიერულ და პრაქტიკულ მნიშვნელობას ანიჭებს.

გეოგრაფიული კარტოგრაფიისთვის მნიშვნელობა აქვს გეოდეზიის მონაცემებს დედამიწის ფორმისა და ზომების შესახებ, საყრდენი წერტილების კოორდინატებსა და აეროფოტოტოპოგრაფიული გადაღების მასალას, რომელთა საფუძველზე მიიღება დედამიწის ყველა რუკის პირველწყარო – ტოპოგრაფიული რუკა. ამ თვალსაზრისით კარტოგრაფია ტექ-

ნიკურ მეცნიერულ ციკლში შედის, ხოლო სინამდვილის გარკვეული მხარის კარტოგრაფიული მეთოდით გამოკვლევის პროცესში იგი საბუნებისმეტყველო და საზოგადოებრივ მეცნიერებებს უკავშირდება, რომლებსაც თავისი შემეცნების საგნის შინაარსის გარდა, საგნის სივრცითი თავისებურებებიც აინტერესებს. ამ კავშირის საფუძველზე იქმნება სპეციალური სამეცნიერო კარტოგრაფიული დისციპლინები (მაგ., გეოლოგიური კარტოგრაფია, გეომორფოლოგიური კარტოგრაფია, ეკონომიკური კარტოგრაფია) და მათი განმარტოვებული დისციპლინა – თემატიკური კარტოგრაფია.

გეოგრაფიული რუკა დედამიწის ზედაპირის ან მისი ნაწილის შემცირებული და განზოგადებული გამოსახულებაა სიბრტყეზე. რუკაზე გეოგრაფიული ობიექტების შემცირების ხარისხს გვიჩვენებს მასშტაბი. რუკების უმრავლესობას არა ერთი საერთო მახასიათებელი აქვს – ყოველ რუკაზე წარმოდგენილი მასშტაბი, გრადუსთა ბადე, პირობითი ნიშნები და გეოგრაფიული ობიექტების ნაწილი.

ადამიანი რუკებს უძველესი დროიდან ქმნიდა და მათი დახმარებით შესაძლებლობა ეძლეოდა თავსაზრისოდ წარმოედგინა გეოგრაფიული ობიექტების ურთიერთგანლაგება.

ამჟამად ქალაქის რუკების გარდა არსებობს ელექტრონული რუკები – რუკები, რომელიც გამოსახულია კომპიუტერის ეკრანზე. ამგვარი რუკების მეშვეობით მანძილების და სხვა კარტოგრაფიული გაზომვების ჩატარება ბევრად ადვილი, სწრაფი და ზუსტია. მასზე მხოლოდ ხაზის გატარება საჭირო ნებისმიერ ორ პუნქტს შორის, მონაცემებს კი სპეციალური პროგრამა მყისიერად დაითვლის. ერთ-ერთი ამგვარი კომპიუტერული პროგრამაა Google Earth.

რუკის მნიშვნელობა სასწავლო პროცესში

სასწავლო პროცესში რუკა მრავალმხრივ საგანმანათლებლო ფუნქციას ასრულებს.

1. გეოგრაფიის სწავლებისას რუკა ძირითადი და ყველაზე მნიშვნელოვანი თვალსაზრისობაა. მისი საშუალებით შესაძლებელია სწრაფად მიმოვიხილოთ დედამიწის ზედაპირის უკიდვანო სივრცეები და საერთოდაც მთლიანად დედამიწა. ამ ფაქტის განსაკუთრებული მნიშვნელობა უფრო გასაგები გახდება, თუ გავითვალისწინებთ, რომ სწორ და ღია ადგილასაც კი წარმოქმნილ ჰორიზონტს მხოლოდ 5 კმ-ის რადიუსი აქვს, რაც დედამიწის ზედაპირის დაახლოებით 1/7 მემილიონედ ნაწილს შეადგენს. თვალმოწონადომელი სივრცის უშუალო მხედველობითი გამოსახულება, რომელიც რუკის საშუალებით იქმნება, გვეხმარება მასზე წარმოდგენის ფორმირებაში. საგნების უიმედო და უშედეგო საქმე იქნებოდა შევქმნა მოსწავლეებისთვის სწორი წარმოდგენა კავკასიის, დიდი ბრიტანეთის, სამხრეთ ამერიკის თუ სხვა გეოგრაფიული ობიექტის, ასევე მათთვის დამახასიათებელი ისეთი ნიშნების შესახებ, როგორცაა სანაპირო ხაზი, რელიეფი, კლიმატი, ჰიფოგრაფიული ქსელი, მცენარეული საფარი და ა.შ., თუ მოსწავლეები ვერ ხედავენ აღსანიშნავ და შესასწავლ ტერიტორიას ან ობიექტს ყველაზე უხეშ სქემატურ რუკაზეც კი.

2. რუკის მთავარი ფუნქციაა დედამიწის ზედაპირზე გეოგრაფიული ობიექტების განლაგებისა და მდებარეობის შესახებ ცნობების ასახვა. სწორედ ამ კუთხით ის შემეცნების შეუცვლელი საშუალებაა, რამეთუ არც ერთი სხვა საშუალება – არც სიტყვა, არც სურათი და თვით ადგილმდებარეობასთან „პირადი ნაცნობობაც“ კი არ იძლევა ნათელ, მკაფიო და ზუსტ განსაზღვრებას სივრცეში ობიექტების განლაგების, მიმართულებების, კონფიგურაციისა და მოხაზულობის შესახებ. ასეთი ცოდნა კი აუცილებელია ადამიანისათვის, იმის მიუხედავად, სამეურნეო საქმიანობის რომელ სფეროში მოღვაწეობს იგი. სწორედ ამიტომაც, აქვს რუკას დიდი მნიშვნელობა ადამიანის ცხოვრებაში, განსაკუთრებით კი დიდ როლს ასრულებს გეოგრაფიაში: იგი ნებისმიერი სახის გეოგრაფიული კვლევის საწყისი პუნქტია, ასევე მუშაობის პროცესში ყველა ეტაპის თანხმობა და, ამავე დროს, კვლევის ერთ-ერთი შედეგაცაა. ამიტომაც მას სასეციო სამართლიანად გეოგრაფიის „აღფას და ომეგას“ ვუნდობთ. როგორ გამოიყენება რუკის ეს ძირითადი ფუნქცია სკოლაში? რუკის უკვე მარტივი მხედველობითი აღქმაც კი გარკვეულ წარმოდგენას უქმნის მოსწავლეებს

ობიექტების განლაგების შესახებ. რუკაზე ვიზუალურად ანუ თვალთ შეიძლება შევავსოთ გეოგრაფიული ობიექტების ფორმები, დაავადინოთ მათი ურთიერთმიმართება, განლაგება და ფართობები, ასევე მათ შორის მანძილები. გეოგრაფიის მასწავლებელი ხშირად იყენებს რუკას ამ მიზნით. მაგალითად, მოსწავლეებს სთხოვენ რუკის გამოყენებით უპასუხონ მარტივ კითხვებს გეოგრაფიული ობიექტების მდებარეობის, მათი შეფარდებითი ზომების, მათ შორის მანძილების და სხვ. შესახებ. ასეთი ტიპის სავარჯიშოები კი მოსწავლეებს ისეთ უნარჩვევას უფითარებს, როგორცაა სივრცეში ორიენტაცია.

3. რუკა, სიმბოლოების ენის საშუალებით, ასახავს გეოგრაფიული ობიექტების არა მხოლოდ განლაგებას, არამედ ახასიათებს კიდევ მასზე გამოსახულ ობიექტებს. ამასთან ასახავს, არა მხოლოდ მათ არსებულ მდგომარეობას, არამედ გამოსახავს მათ მოძრაობას, განვითარებას და ცვლილებებსაც კი. ასეთია მაგალითად, ისტორიული, ზოგიერთი ეკონომიკური და სხვა თემატური რუკები. ამ სახის რუკების გამოყენებით შესაძლებელია, არა მარტო გეოგრაფიული ობიექტების შედარება, არამედ ასევე, მათ შორის სივრცობრივი კავშირებისა და ურთიერთზემოქმედების დადგენა. შედეგად მოსწავლეებს ეძლევათ საშუალება იმსჯელონ და გამოიტანონ დასკვნები გეოგრაფიული ობიექტების იმ თვისებების შესახებ, რომლებიც რუკებზე უშუალოდ არ არის ასახული. მაგალითად, რუკაზე რომელიმე ქვეყნის, ტერიტორიის მდებარეობის დადგენისას მოსწავლეს შეუძლია საკმარისად საფუძვლიანად დაახასიათოს მისი კლიმატი, მცენარეულობა. ამ და რუკაზე მოცემული მონაცემების (რელიეფი, ჰიდროგრაფიული ქსელი) შეჯერების საფუძველზე კი დაახასიათოს მდინარეთა წყლის რეჟიმი, ნიადაგები და, ასევე, გამოთქვას ვარაუდი მოცემულ ბუნებრივ პირობებში ადამიანის სავარაუდო სამეურნეო საქმიანობის შესახებ. თუმცა, უნდა აღინიშნოს, რომ განხილული მაგალითიდან არ შეიძლება ვიფიქროთ, რომ რუკა თავად საუბრობს ობიექტის ყველა თვისებაზე. რუკა თავის მდიდარ შინაარსს მხოლოდ მას უშეშებს, ვისაც აქვს როგორც კარტოგრაფიული, ისე გეოგრაფიული ცოდნა და შეუძლია მისი გამოყენება ანუ რუკის კითხვა. თვითონ რუკა, მისი სწორად წაკითხვისას, წარმოადგენს ცოდნის არა მარტო მდიდარ და მრავალფეროვან წყაროს, არამედ მოსწავლეთა გონებრივი განვითარების სტიმულატორსაც. რუკის კითხვა მოსწავლეებს ისეთ უნარებს უყალიბებს, როგორცაა ლოგიკური, დიალექტიკური აზროვნება. ობიექტებისა და მოვლენების ფართო სპექტრით და მოცულობით აღქმა, ანუ დიდი კატეგორიებით აზროვნება ავითარებს მრავალმხრივ და „ცოცხალ“ წარმოდგენებს რუკაზე გამოსახული ობიექტების შესახებ; დაბოლოს, რუკა გეოგრაფიის შეგებულება და მყარად მიღებული ცოდნის კარგი საფუძველია.

4. რუკა, გეოგრაფიის სწავლების პროცესში ფსიქო-პედაგოგიურ როლს ასრულებს. იგი ხელს უწყობს ცოდნის სისტემატიზაციას, აიოლებს ცოდნის მიღებას და ინფორმაციის დამახსოვრებას. რუკის ეს როლი შენარჩუნებულია არა მხოლოდ სკოლაში, არამედ მაშინაც, როცა მოზრდილი ადამიანი თავის გეოგრაფიულ ცოდნას იყენებს ნივთებიდან, ჟურნალ-გაზეთების, ინტერნეტიდან თუ სხვა წყაროებიდან. რუკის კარგად ცოდნისას ადამიანის გეოგრაფიული ცოდნის მარაგიც მუდმივად იცვება, იზრდება, ფართოვდება და იგი წინარე გეოგრაფიულ ცოდნას ეფუძნება. სწორედ ამიტომ არის მეტი მნიშვნელოვანი, რომ სკოლაში მოსწავლეებს ვასწავლოთ რუკაზე გეოგრაფიული ნომენკლატურის გარკვეული რაოდენობა მაინც. ამ მიზნით, სასურველია, მასწავლებელმა ხშირად გამოიყენოს სწავლების ისეთი ხერხები, რომლებიც ხელს უწყობს კარტოგრაფიული ნახატის დამახსოვრებას. მაგალითად, ასეთია რუკის ან კარტოგრაფიული სქემის დახაზვა, კონტურულ და მენტალურ რუკებზე მუშაობა და სხვ. ასეთი სავარჯიშოები ხელს უწყობს მოსწავლეებში მესხიერების, წარმოსახვის, ლოგიკური აზროვნებისა და მეტყველების უნარების განვითარებას, ასევე ანალიზის, შედარების, მსჯელობის და დასკვნების გამოტანის უნარების ჩამოყალიბებას.

რუკა სწავლების აქტივობის პროცესში ყველაზე ხელმისაწვდომ და მოქმედ საშუალებას წარმოადგენს, რადგან იგი ხელს უწყობს მოსწავლეთა დამოუკიდებელ მუშაობას, ასევე

უღვიძებს მათ ინტერესს ამა თუ იმ გეოგრაფიული ობიექტისა და მოვლენის მიმართ და, რაც მთავარია, ერთმანეთთან აკავშირებს სასკოლო გეოგრაფიას და პრაქტიკულ საქმიანობას. მაგალითად, რუკების გამოყენებით გეოგრაფიის გაკვეთილებზე შესაძლებელია ჩატარდეს, შინაარსისა და ფორმის მიხედვით, მრავალფეროვანი ფრონტალური თუ ინდივიდუალური პრაქტიკული სამუშაოები, ამოცანისა სხვადასხვა გეოგრაფიული ამოცანები.

ამრიგად, შეიძლება ითქვას, რომ რუკის უდიდესი როლი აკისრია გეოგრაფიის სწავლების პროცესში. მისი მნიშვნელობის შეფასება რთულია. ფრთიანი გამოთქევაში „რუკის გარეშე არ არსებობს გეოგრაფია“, მართლაც და ღრმა აზრის მატარებელია, რადგან როგორც გეოგრაფიულ მეცნიერებას არ შეუძლია რუკის გარეშე არსებობა, ისე გეოგრაფიის სწავლება შეუძლებელია მის გარეშე.

რუკის კითხვა

გეოგრაფიის სწავლებისას რუკაზე მუშაობის მთავარი მიზანია, ვასწავლოთ მოსწავლეებს რუკის გაგება, კითხვა და გამოყენება. შევეცდები ავხსნა, რას ნიშნავს ეს ტერმინები.

რუკის გაგება ნიშნავს, რომ მოსწავლეს აქვს კარტოგრაფიული ცოდნა: იცის რა არის რუკა, როგორია მისი თვისებები, შინაარსი, მნიშვნელობა, რას აღნიშნავს თითოეული პირობითი ნიშანი მასზე, როგორ გამოიყენოს რუკა და რა სარგებელი შეიძლება მიიღოს მისგან.

რუკის კითხვა ნიშნავს, რომ მოსწავლეს შეუძლია პირობითი ნიშნების გამოყენებით გამოიტანოს დასკვნა ამა თუ იმ გეოგრაფიული ობიექტის დამახასიათებელი თვისებების შესახებ, დაინახოს და აღიქვას ობიექტი, ადგილი, ტერიტორია რეალურთან მიახლოებულად, შეუძლია ნაიკითხოს და გაიგოს ბუნებასა და საზოგადოებაში მიმდინარე სხვადასხვა მოვლენა, მდგომარეობა და დაამყაროს მათ შორის კავშირები.

რუკის გამოყენება რუკის ფლობის მაღალი საფეხურია. შეიძლება იცოდეს კარტოგრაფიის ანბანი (პირობითი ნიშნები, მასშტაბი, რუკის პროექცია და ა.შ.), მაგრამ არ შეგეძლოს მისი სწორად კითხვა და, შესაბამისად, სწორად გამოყენება. რუკის სწორად წაკითხვად აუცილებელია, როგორც კარტოგრაფიული, ასევე გეოგრაფიული ცოდნა და, აგრეთვე, ბევრი და მრავალმხრივი სავარჯიშოებისა და დავალებების შესრულება, რადგან რუკის კითხვა – ეს უნარ-ჩვევა და ნებისმიერი უნარ-ჩვევა კი სწორედ ვარჯიშის შედეგად გამოიშუვდება.


რუკის კითხვის სწავლება ჯერ კიდევ დაწყებით კლასებში, ბუნებისმეტყველების კურსის შესწავლისას იწყება. კარტოგრაფიული ცოდნის საფუძველები, გეოგრაფიული ცოდნა და რუკის კითხვა მჭიდროდა ერთმანეთთან დაკავშირებული და ერთ, განუყოფელი მთლიან სისტემას ქმნიან, რომელიც მუდმივად ვითარდება სასკოლო განათლების ყველა საფეხურზე.

ამრიგად, რუკა გეოგრაფიული და კარტოგრაფიული ცოდნის მდიდარ წყაროს წარმოადგენს, ამიტომაც რუკის კითხვა გეოგრაფიის სწავლებისას მნიშვნელოვანი როლია.

რუკის კითხვის მეთოდი

რუკის გაგებისა და კითხვის პროცესი საკმაოდ ხანგრძლივია. ჯერ კიდევ დაწყებით კლასებში მოსწავლეები იღებენ საწყის ცოდნას და იძენენ უნარებს ადგილზე ორიენტირების შესახებ. ისინი ეცნობიან ადგილის გეგმას, გლობუსს, ნახევარსფეროებისა და საქართველოს რუკებს. ადგილის გეგმის შესასწავლად მოსწავლეები ეუფლებიან ფურცელზე ჰორიზონტის მხარეების გამოსახვას, ეცნობიან მარტივ ადგილის გეგმებს (მაგ; კლასის, სკოლის), თავად ცდილობენ მსგავსი გეგმების დახაზვას, რაც ხელს უწყობს სივრცეში ორიენტაციის უნარის გამოიშუვებას. ასეთი პრაქტიკული სამუშაოების უმეტესობა მასწავლებლის ხელმძღვანელობით მიმდინარეობს და ისინი რუკის გაგებას ემსახურება. რუკის პირობითი ნიშნების სწორად აღსაქმელად საჭიროა, მათ ჰქონდეთ კონკრეტული წარმოდგენა შესაბამის რეალურ ობიექტზე. ასეთი წარმოდგენები კი ექსკურსიებზე, ლაშქრობებზე, ასევე ნახატებიდან, მოდელელებიდან და კინოფილმებიდან ექმნებათ. თუმცა ეს, რა თქმა უნდა, საკმარისი არ არის. აუცილებელია, მოსწავლეებმა გააცნობიერონ, თუ როგორ

არიან ეს ობიექტები დაკავშირებული მათ კარტოგრაფიულ გამოსახულებებთან. ამისათვის კი საჭიროა მოსწავლეებს ვაჩვენოთ და შევადარებინოთ რუკები და სურათები, ასევე გამოვიყენოთ შესაბამისი მხატვრული და ლიტერატურული ნაწარმოებები.



მუშაობის შედეგებით აქტიური ფორმებია რუკაზე წარმოსახვითი მოგზაურობა, ტოპოგრაფიული კარნახი და სხვ. ამ გზით მოსწავლეებს ვაჩვენებ რუკაზე მუშაობას და, ამავე დროს, ვასწავლით სხვადასხვა გეოგრაფიული ობიექტის დამოუკიდებლად გამოსახვას.

დამსწრეობით კლასების სახელმძღვანელოებში დიდი დრო ეთმობა პრაქტიკული სამუშაოების ჩატარებას კლასში თუ გარემოში. კარტოგრაფიის სწავლა და სწავლება შეუძლებელია მხოლოდ მასწავლებლის სიტყვებით ან სახელმძღვანელოთი. აქ აუცილებელია მუდმივი პრაქტიკა, ჩვენება. სწავლების წარმატება და შედეგი დამოკიდებულია მეთოდურად სწორად შერჩეულ დავალებებსა და სავარჯიშოებზე. ამასთან, სწავლება უნდა იყოს თანამიმდევრული და თანდათან გადადიოდეს მარტივიდან რთულსკენ. მაგალითად, სავარჯიშოები კომპასზე უნდა დაიწყოთ მისი ისრის საშუალებით ჰორიზონტის ძირითადი მხარეების დადგენით, შემდეგ ჩავართოთ კომპასის სკალა, მისი გამოყენებით ვასწავლოთ ჰორიზონტის, როგორც ძირითადი, ისე შუალედური მხარეები, მოგვიანებით კი - აზიმუტი.

პრაქტიკული მუშაობისას მეტად მნიშვნელოვანია, რომ ისეთი სავარჯიშოები და დავალებები შეირჩეს, რომლებიც მოსწავლეების ცხოვრებას უკავშირდება. ასევე, დიდი ყურადღება უნდა დაეთმოს მრავალფეროვანი თვალსაჩინოებების გამოყენებას და ხატვა-ხაზვას. ისინი სწავლების აქტივიზაციას უწყობენ ხელს და თავისი პედაგოგიური ეფექტით შეუცვლელია ისეთი საკითხების შესწავლისას, როგორცაა ადგილზე, გეგმაზე, გლობუსსა და რუკაზე ორიენტირება.

მეტად მნიშვნელოვანი საკითხია რუკის გრადუსთა ბადის და მათი გეომეტრიული თავისებურებების შესწავლა, მათი საშუალებით რუკასა და გლობუსზე ორიენტირება და გეოგრაფიული ობიექტების ადგილმდებარეობის დადგენა. გამოცდილებამ აჩვენა, რომ ეს საკითხები საკმაოდ უჭირთ მოსწავლეებს: ძირითადი სირთულე იმაში მდგომარეობს, რომ მოსწავლეებს ფორმირებული აქვთ არასწორი სივრცობრივი წარმოდგენები დედამიწის ფორმასა და ზომებზე, მის ზედაპირზე პარალელებისა და მერიდიანების მდებარეობის შესახებ და სხვ. სწორედ ამიტომ, ამ საკითხების შედეგადად და წარმატებით შესასწავლად, მეტად მნიშვნელოვანია ისეთი თვალსაჩინოების გამოყენება, როგორცაა შავი (ინდუქციური) გლობუსი. ასევე მიზანშეწონილია მთელი რიგი სავარჯიშოების შესრულება, მაგალითად, რვეულეებში ნახევარსფეროების რუკის გრადუსთა ბადის დახატვა, გლობუსსა და რუკაზე მერიდიანებისა და პარალელების გადაკვეთის ადგილების მოძებნა, ერთსა და იმავე გრძედსა და განედზე მდებარე გეოგრაფიული ობიექტების დადგენა და პირიქით, სხვადასხვა ობიექტის გეოგრაფიული კოორდინატების განსაზღვრა და სხვ. აღნიშნული მასალის შესწავლა უნდა მოხდეს „გლობუსი-რუკა“ თანმიმდევრობით. გრადუსთა ბადის ხაზები ჯერ განხილული უნდა იქნეს გლობუსზე, დადგინდეს მათი არსი, გეომეტრიული თავისებურებები და განისაზღვროს კოორდინატები, ხოლო შემდეგ იგივე სამუშაო უნდა შესრულდეს რუკაზე.



გაგრძელება შემდეგ ნომერში

ინფორმაცია

ტრენინგი ინკლუზიური განათლების

მასწავლებლებისთვის



საქართველოს განათლებისა და მეცნიერების სამინისტროს მასწავლებელთა პროფესიული განვითარების ეროვნულ ცენტრში, ინკლუზიური განათლების მასწავლებელთათვის, ტრენინგი ჩატარდა. ღონისძიებას თბილისისა და რეგიონის მასწავლებლები ესწრებოდნენ.

ისინი გაეცნენ Microsoft-ის მიერ შექმნილ ოპერაციულ სისტემასა და საოფისე პროგრამებს, რომელშიც სპეციალური საგანმანათლებლო საჭიროების მქონე პირებისთვის მუშაობისა და სწავლის გარემოს გასაუმჯობესებელი ფუნქციები ჩასმული.

- ტრენინგზე განხილულ იქნა ისეთი თემები, როგორცაა:
 - მოსწავლეზე ორიენტირებული განათლება და დამხმარე საშუალებები;
 - სპეციალური ფუნქციების მიმოხილვა;
 - შეზღუდვის სხვადასხვა ტიპები და ტექნოლოგიები;
 - ტექნოლოგიების გამოყენების მეთოდები შეზღუდვის ტიპების შესაბამისად.

ტრენინგის მიზანი იყო მასწავლებლებისათვის მიენოდებინა ინფორმაცია ინკლუზიური განათლებისთვის არსებული ტექნოლოგიების შესახებ. ეს ტექნოლოგიები ეხმარება მასწავლებელს მოსწავლეებს შეუქმნას ისეთი გარემო, სადაც ყველას ექნება თანაბარი წვდომა განათლებაზე.



ტექნიკური უნივერსიტეტში ქართულ-ლიტვური პროექტი ამოქმედდა



საქართველოს განათლებისა და მეცნიერების სამინისტროს პირველმა მოადგილემ ქეთევან ნატრიაშვილმა და ლიტვის რესპუბლიკის საგანგებო და სრულუფლებიანმა ელჩმა საქართველოში იონას პასალუსკასმა, ლიტვის რესპუბლიკის სეიმის წარმომადგენლებთან ერთად, საქართველოს ტექნიკური უნივერსიტეტის ლიტვური ენის შემსწავლელი ცენტრი დააფუძნეს.

საქართველოს ტექნიკური უნივერსიტეტის ლიტუანისტიკის ცენტრში ნებისმიერ სტუდენტს როგორც საქართველოს ტექნიკური უნივერსიტეტიდან, ისე სხვა სასწავლო დაწესებულებებიდან, ასევე, ყველა მსურველს, რომელსაც უნდა შეისწავლოს ლიტვური ენა, საშუალება აქვს უფასოდ დაესწროს ლექციებს. სალექციო კურსს ლიტვიდან სპეციალურად მოწვეული პროფესორი ვიდას კავალიაუსკასი კითხულობს.

სტუ-სა და კლაიპედის უნივერსიტეტს შორის გაფორმებული მემორანდუმის ფარგლებში, სტუდენტებს, რომლებიც ლიტვური ენის ცენტრში ენის კურსებზე ისწავლიან, შესაძლებლობა ექნებათ ენის შესწავლა (მოკლე საზაფხულო ენის კურსები) ლიტვაში გააგრძელონ. ენის ცოდნა მათ ასევე დაეხმარება გაცვლით საბაკალავრო პროგრამებში მიიღონ მონაწილეობა. სტუდენტები,


რომლებიც ლიტვურ ენას დაუფლებიან, ნაკლები კონკურენციის პირობებში მოხვდებიან და შეძლებენ სწავლის გაგრძელებას კლაიპედის უნივერსიტეტის საბაკალავრო პროგრამის ფარგლებში. ცენტრში, დღეისათვის, 100-მდე სტუდენტი სწავლობს, აქედან რამოდენიმე უკვე მიიღო მონაწილეობა სხვადასხვა ენის შემსწავლელ თუ საბაკალავრო გაცვლით პროგრამაში.

ლიტვური ენის შემსწავლელი ცენტრის ფუნქციონირება ქართულ-ლიტვური კონტაქტების გაღრმავებას შეუწყობს ხელს და ყველა მსურველს დაეხმარება, ენის შესწავლასთან ერთად, გაცვლის ლიტვის ისტორიას, კულტურას, წეს-ჩვეულებებს. აღნიშნული ინიციატივა საქართველოს ტექნიკურ უნივერსიტეტს ეკუთვნის, დაფინანსება კი, ლიტვის განათლებისა და მეცნიერების სამინისტრომ განახორციელა. აღსანიშნავია, რომ სტუდენტები, რომლებიც საქართველოს ტექნიკურ უნივერსიტეტში არსებულ ლიტვური ენის შემსწავლელ ცენტრში ენის კურსს გადიან, განსაკუთრებული მიღწევების შემთხვევაში, ლიტვის მთავრობისგან სტიპენდიას მიიღებენ.



წმინდა გიორგის კულტი

საქართველოში



თეთრ ცხენზე ამხედრებული წმ. გიორგი – სიკეთისა და რწმენის სიმბოლო, დაუმარცხებელი გმირი – საქართველოში, მრავალრიცხოვან წმინდანთა შორის, ყოველთვის უპირველესი თავყვანისცემის ობიექტი იყო. ჩვენში ძნელად მოიძებნება წმინდანი, მონაპეიქნება იგი თუ ეკლესიის მოღვაწე, რომელიც პოპულარობით „ქრისტეს მხედარს“ გაუტოლდება. ამის დასტურია წმ. გიორგისადმი მიძღვნილი სხვადასხვა სახის დიდძალი მასალა:

1. **წერილობითი ძეგლები** – ქრისტიანულ სამყაროში ეკლესიის არც ერთ მოღვაწეზე არ შექმნილა იმდენი ლიტერატურა, რამდენიც წმ. გიორგის შესახებ. ქართულად ითარგმნა წმ. გიორგის ცხოვრების ამსახველი არაერთი კანონიკური თუ არაკანონიკური ე. წ. „აპოკრიფული“ ნაწარმოები: სხვადასხვა პერიოდში შექმნილი წმ. გიორგის „წამებები“, საეკლესიო საგალობლები, ეკლესიის მამების მიერ მისდამი მიძღვნილი ჰომილიები ანუ შესხმა-ქადაგებები, სასწავლებლის რამდენიმე ციკლი. დიდძალი რაოდენობით ქართულად თარგმნილი ლიტერატურის გვერდით, ძველ საქართველოში წმ. გიორგის კულტის უდიდესი პოპულარობისა და თავყვანისცემის ყველაზე თვალსაჩინო მაგალითი ის თხზულებებია, რომლებიც ქართულ ენაზე შეიქმნა. ასევე შემორჩენილია უამრავი ხალხური ზეპირსიტყვიერების ნიმუში: თქმულება, ლექსი, პოემა თუ ლეგენდა. სრულიად საუცხოო და ორიგინალურია ქართულ წერილობით ძეგლებში წარმოდგენილი წმ. გიორგის კულტი. ეს არის, უდავოდ, ცალკე მდგომარეობა, რომელიც საგრძნობლად განსხვავდება მონაპეიქნის საეკლესიო (მართლმადიდებლური) სახისგან, რაც ასევე „ქრისტეს მხედრის“ გაფეტიშებისა და განსაკუთრებული სიყვარულის შედეგია. თქმულებებში ღვთაებებსა და წმინდანებს შორის უფროს-უმცროსობა მათდამი ხალხის დამოკიდებულებაზე დამყარებული. საქართველოს თითქმის ყველა კუთხის ლეგენდაში უზენაეს ღვთაებად წმ. გიორგია აღიარებული. ღმერთად მოიხსენებენ ლოცვის დროს წმ. გიორგის ხევისურებისა და ფშავეების ხევისურები: „ღმერთო იხინჭის წმინდა გიორგივ“. ღმერთის მსგავსად სცემენ თავყვანს და მასზე ძლიერად მიიჩნიათ წმ. გიორგი სვანებსაც. წმინდა გიორგი (ჯგრაგ), რომელიც მიქელ მთავარანგელოზით, შემოქმედს გვერდით უზის, მუდმივად ადამიანის კეთილდღეობაზე ზრუნავს.

2. **დღესასწაულები** – წმ. გიორგის განსა-

კუთრებული პატივისცემა მხოლოდ თქმულებით არ შემოიფარგლება. ქართველი ხალხი მას ცხოვრებაშიც ყველაზე მეტად სცემდა თავყვანს. თითქმის ყველა უმთავრესი საეკლესიო და სახალხო დღესასწაული საქართველოში წმ. გიორგის სახელთანაა დაკავშირებული. ხშირია ისეთიც, რომლის მსგავსი სხვა ქვეყნებში არ გვხვდება. „ნიშნისა და სასწაულის უმრავლესნი არიან მთავარ-მონაპეიქნის გიორგისანი ყოველსა ივერიასა შინა“.

3. **ეკლესია-მონასტრები** – ქართული ხალხური ზეპირსიტყვიერი ტრადიციის მიხედვით, ჩვენში წმ. გიორგის სახელზე იმდენი ეკლესიაა აგებული, რამდენი დღესაცაა წმინდაში. ვახუშტი ბატონიშვილის სიტყვებით, „არა არიან ბორუცუნი ანუ მალაქნი გორანი, რომელსა ზედა არა იყოს შენნი ეკლესიანი წმიდისა გიორგისანი“.

4. **სახვითი მასალა** – საქართველოში წმ. გიორგის ცხოვრების სახვითი მასალა წინ უსწრებს „წამების“ ლიტერატურულ ძეგლებს. წმინდანის ცხოვრება, მისი წამებისა და სასწავლებლის ამსახველი სცენები, ქართული იკონოგრაფიის ერთი დიდი თემაა. წმ. გიორგის ცხოვრების ამსახველი უამრავი სცენა ამჟვენებს ეკლესია-მონასტრებს. ფრესკული მხატვრობის გვერდით, იქმნება ჭედური ძეგლები, ხატწერის ნიმუშები, ხელნაწერი ნიგნის მინიატურები, მინანქრული ფირფიტები თუ ქვაზე კვეთილი რელიეფები. ეს აურაცხელი მასალა არა მარტო მხატვრული ღირსებით გამოირჩევა, არამედ საგულისხმოა თემატურ-მინაარსობრივი მრავალფეროვნებითაც. თ. საყვარელიძის დაკვირვებით, „საქართველოში დადასტურებულია წმ. გიორგის თითქმის ყველა ის იკონოგრაფია (ცალკე წარმოდგენილი ფიგურა სხვადასხვა ვარიანტებით, სიუჟეტური კომპოზიცია თუ მისი ცხოვრების ამსახველი მთელი ციკლი), რომელიც სხვა ხალხთა ხელოვნებიდანაც კარგადაა ცნობილი“. პარალელურად ქართველი ოსტატები ქმნიან სრულიად ორიგინალურ, ადგილობრივ საეკლესიო-სახალხო რწმენა-ტრადიციებზე დაფუძნებულ, იკონოგრაფიულ ვერსიებს, რომლებიც წარმოადგენენ მნიშვნელოვან წყაროებს წმ. გიორგის შესახებ შემონახული ლეგენდების კვლევის თვალსაზრისითაც.

საქართველოში წმ. გიორგის კულტის განსაკუთრებულ პოპულარობაზე ის ფაქტიც მეტყველებს, რომ ჩვენი ქვეყნის სამი სახელიდან ერთ-ერთი გიორგია. „ხოლო ქუყანა ესე ინოდების სახელითა სამითა. პირველად – საქართველო, მეორედ – ივერია,

მესამედ – გიორგია... კულად გიორგიაცა მწნედ მომჭირნობისა მუშაკობისა ქართველთათა ეწოდა [რამეთუ „გიორგი“ მუშაკად ითარგმნების]“. სხვა ქვეყნის მცხოვრებთათვის კი საქართველო მხოლოდ სახელ „გიორგისთან“ ასოცირდება. „არამედ ევროპელნი და ბერძენნი უწმობენ ჯორჯიანსა, და რუსნი გრუზსა, და მაჰმა/დიანნი გურჯსა მათითა ორფორაფიისა გამო, არამედ იგივე გიორგიავე არს“.

გველემშაბან მებრძოლი წმ. გიორგი იყო გამოსახული საქართველოს უზენაესი ხელისუფლებისა და დამოუკიდებლობის სიმბოლოზე – საქართველოს სახელმწიფო დროშაზე, რომელსაც მაშინ „დროშა სამეფო“, „დროშა სეფე“ ერქვა. საქართველოს სახელმწიფო დროშა – ერთიანი საქართველოს შემაკავშირებელი, მისი სიმბოლო, მისი სიძლიერისა და სიამაყის გამოხატულება, „ემბლემა ერის პატიოსნებისა, ერის ღირსებისა“ (ილია) – თეთრი ფერის ყოფილა. არსებობს ცნობა, რომლის მიხედვითაც მასზე წმ. გიორგის სიმბოლოცა იყო გამოსახული. შუა საუკუნეების პოლონელ მოგზაურს, კოტოვიჩს, ეროვნული ნიშნით – ქართული სახელმწიფო დროშით – იერუსალიმში სალოცავად ჩასული ქართველები უნახავს. „გიორგისანი გიორგი მთავარმონაპეიქნის (რომლის სახელიც თავიანთთვის ეროვნულ სახელადაც კი აქვთ შეთვისებული) უაღრეს თავყვანსა სცემენ და სხვა წმინდანებზე მეტად განსაკუთრებით სცემენ პატივს, თავის მფარველადაც (პატრონადაც) მიიჩნიათ (ადიდებენ) და სამხედრო დროშებზე დახატული მისი სახე ყოველთვის დააქვთ ხოლმე“. მეცნიერთა მიერ ეს დროშა საქართველოს ეროვნულ დროშად არის მიჩნეული – „ვითარცა მათი ეროვნული ნიშანი, და არა სამხედრო“. მართალია, ჯერ კიდევ არ არის დადგენილი, ალამზე წმ. გიორგის სახე უკვე XI-XIII საუკუნეებში იყო გამოხატული თუ იგი შედარებით გვიანი პერიოდის დანართია, მაგრამ ცხადია, საქართველოს ეროვნული სახელმწიფო დროშის თეთრ ფონზე გამოსახულებოდა გველემშაბან მებრძოლი ცხენოსანი წმ. გიორგი შინდისფრად.

წმ. გიორგი – მთელ საქართველოში უპირველესი თავყვანისცემის ობიექტი – შესაბამისად, ყველაზე რთული და იდუმალებით მოცულია. წმინდანის მრავალგვარი სახე, ამა თუ იმ ასპექტის წინ წამოწევა, მის შესახებ ახალი თეორიების განვითარების შესაძლებლობას იძლევა და სხვადასხვა დისციპლინის წარმომადგენლების (ფილოლო-

გების, ხელოვნების ისტორიკოსების, მითოლოგების, ეთნოლოგების და სხვა) ინტერესის სფერო ხდება. ცხადია, წმ. გიორგის უსაზღვრო თავყვანისცემას, თვით შემოქმედზე ზეალმატებულობას, საეკლესიო მოძღვრებასთან არაფერი აქვს საერთო. პირიქით იგი პირდაპირ არღვევს მას. შესაბამისად, უდავოა, რომ ქართველი ხალხის წარმოდგენაში, ამ წმინდანს ძველი, წარმართული ღვთაების ადგილი უკავია. ერის ფსიქიკიდან საუკუნეების განმავლობაში დამკვიდრებული რელიგიის ამოშლა ქრისტიანობისთვის შეუძლებელი აღმოჩნდა, ამიტომ ახალ სარწმუნოებაზე გადასვლა ძველზე ახლის დაკავშირებით ხდებოდა. ამის ერთ-ერთი დასტური ქრისტიანული სალოცავებიცაა, რომელთა უმრავლესობა ყოფილ წარმართულ ნაკერებზეა დაფუძნებული. სწორედ ძველი და ახალი სარწმუნოებების ჭიდილში ხდებოდა ძველ და ახალ ღვთაებათა შერწყმა და ახალი კულტის გაჩენა-დამკვიდრება. თუმცა წმ. გიორგის მრავალმხრივობა და განსაკუთრებული პოპულარობა გვაფიქრებინებს, რომ იგი ვერ ჩაენაცვლებოდა ერთ რომელიმე ღვთაებას და რომ მისი კულტი ფორმირებულია თანდათანობით, შუა საუკუნეების უძველესი რელიგიურ-მითოლოგიური სახეების შერწყმის გზით. წმ. გიორგის ერთიანი ხატი, უთვალავი ეპითეტი და ფუნქციით, დაუსრულებლად იყოფა და მის სხვადასხვა სახეს ავლენს.

ასე რომ, მრავალმხრივი, ხალხური ეპითეტი – „მრავალძალი“ – წმ. გიორგი – თეთროსანი, მოისარი, მეხმტყორცნელი, ამინდის გამგებელი, მინათმოქმედთა და მესაქონლეთა მფარველი, უნივერსალური მომმარაგებელი, რომელიც უხვ მოსავლასა და საქონელს იძლევა, შვილების მიძცემი, მკურნალი, მორალის მკაცრი დამცველი, მთავარი მსაჯული, უღმობელი დამსჯელი – თავისი ეპითეტებითა და ფუნქციებით წმინდა ქართული განუმეორებელი მოვლენაა. ის არის ქართველთა რელიგიური აზროვნებისა და ხალხურ წარმოდგენაში არსებული იდეალის შერწყმით მიღებული სრულწმინდი ხატი.

საქართველოში მეომარი წმინდანებისადმი, განსაკუთრებით წმ. გიორგის ცხოვრებისადმი, ინტერესი XI-XIII საუკუნეებში, ძლიერი ფეოდალური მონარქიის ფორმირების პროცესში, იზრდება. საბრძოლო სულისკვეთების ასამაღლებლად, ამ დროს, განსაკუთრებით იყო აქცენტირებული ყოველმხრივი წარმომადგენლების (ფილოლო-





გვირის კულტი. ჩვენში წმ. გიორგის სასწავლო მოქმედი, ზებუნებრივი ძალის ამსახველი სცენები, ღვთივეურთხეული გვირის გამარჯვებული სახე, ყოველთვის სჭარბობს წამების ეპიზოდებს, რაც, როგორც ჩანს, ქართული საბრძოლო პათოსიდან მომდინარეობს. ცნობილი კომპოზიცია – ცხენზე ამხედრებული წმ. გიორგი, რომელიც შუბით გვირავს გვირგვინოსან მეფე დიოკლეტიანეს – ვიქტორ ლაზარევის მიერ აღიარებულ იქნა „წმინდა ქართული იკონოგრაფიული ვერსია“. ქრისტიანულ იკონოგრაფიაში ამ სასწავლო ორი რედაქცია არსებობს. ერთში ცხენოსანი წმ. გიორგი შუბით (ან ხმლით) ებრძვის გველეშაპს, ხოლო მეორე შემთხვევაში ბოროტების სიმბოლოდ წარმოდგენილია ცხენის ფეხებზე განთხზვნილი ურჯულ მეფე დიოკლეტიანე. საყურადღებოა, რომ წმ. გიორგის მიერ გველეშაპის მოკვლის სასწავლო ადრინდელ ქართულ სახეობას მასალაში არ გვხვდება. ის უფრო გვიანდელია მაშინ, როცა მეორე რედაქციის (წმ. გიორგის მიერ დიოკლეტიანეს განგმირვა) უადრესი მაგალითები სწორედ საქართველოში მოიძებნება. გ. ჩუბინაშვილის თქმით, ეს სასწავლო, ესოდენ პოპულარული ქართულ ხელოვნებაში, განსაკუთრებით X-XI საუკუნეების ქართულ ჭედურებაში, გადმოცემულია სიმბოლური დატივრების მქონე კომპოზიციით და არ ასახავს სიმბოლურულ წყაროებზე დაფუძნებულ ცხოვრებისეულ ეპიზოდს. არსად, წმ. გიორგის ცხოვრების არცერთ რედაქციაში, მსგავსი ეპიზოდი არ არის მოთხრობილი. ის არ წარმოადგენს რეალურად მომხდარი ფაქტის ასახვას, არამედ არის განზოგადებული ხატი ბოროტებაზე გამარჯვებული სიკეთისა, რაც სიმბოლურად იდეისათვის მებრძოლი გვირისა და მის ფერხით განთხზვნილი დამარცხებული მტრის გამოსახვითაა შექმნილი. საქართველოში ამ კომპოზიციის სწორედ X-XII საუკუნეებში მომრავლება, გ. ჩუბინაშვილის აზრით, კიდევ ერთი ფაქტორით აიხსნება. „არაა შემთხვევითი, რომ ჩვენში წმ. გიორგის მიერ დათრგუნული ბოროტი სანყისი გვირგვინოსანი ბიზანტიელი იმპერატორის სახით არის წარმოდგენილი: ქართველი ოსტატებისათვის უცხო არ იყო პოლიტიკური ბრძოლის საკითხები; მათ, ისევე როგორც ჩვენი ქვეყნის მთელ მოწინავე საზოგადოებას, დიდად აღელვებდათ საქართველოზე ბიზანტიის შემოტევა X საუკუნის უკანასკნელი მესამედიდან მოყოლებული. ბოროტი ძალის დათრგუნვა ისეთი უმამაცესი რაინდის მიერ, როგორც წმ. გიორგია, სრულიად კონკრეტულ და აქტუალურ გამოხატულებას პოულობს პოლიტიკურ მეტოქეში – ბიზანტიის იმპერატორში“.

საქართველოში არანაკლებ გავრცელებულია წმ. გიორგის ფიგურა-ხატი – ძლევა-მოსილი და ტრიუმფატორი, ქრისტიანობის მცველი ჭაბუკი რაინდი საომარი სამოსითა და აღჭურვილობით – გამოსახული მკერდამდე ან წელამდე, ან ფეხზე მდგომი მთელი ტანით.

ასე რომ წმ. გიორგისთან დაკავშირებულ ქართულ სახეობას სიმრავლითა და მხატვრული ღირსებებით მსოფლიო ქრისტიანულ ხელოვნებაში განსაკუთრებული ადგილი უკავია. გარდა ამისა, თავისი ინდივიდუალური, წმინდა ქართული იკონოგრაფიული ვერსიებით, ქართველმა ოსტატებმა გარკვეული წვლილიც კი შეიტანეს ქრისტიანული იკონოგრაფიის ისტორიაში.

გვანცა გვაჩაძორი
საქართველოს კულტურული მემკვიდრეობის დაცვის ეროვნული სააგენტოს მუზეუმ-ნაკრძალებისა და სამუზეუმო კოლექციების მართვის სამსახურის უფროსი სპეციალისტი

ინფორმაცია

მავთულსლართების პირისპირ დარჩენილი სკოლები



დიცი, დვანი, ხურვალეთი, ქვეში, ერგნეთი... ამ სოფლების სახელები, ბოლო პერიოდში განვითარებული მოვლენების გამო, მთელმა ქვეყანამ გაიგო. გორისა და ქართლის ტერიტორიაზე მდებარე სოფლების მაცხოვრებლებს ერთი ტკივილი და საფიქრალი აქვთ – სად გაივლის საოკუპაციო ხაზი, რომელსაც, ყოველდღიურად, ასობით მეტრით ავრძელებენ რუსი სამხედროები; მინის რაფართობი მოექცევა ოსური მხარის კონტროლირებად ტერიტორიაზე, შეეზღუდებათ თუ არა სარწყავი წყლით სარგებლობა და მთავარი – რამდენი სახლი მოექცევა საოკუპაციო ღობის მიღმა...

კონფლიქტის ზონაში გახშირდა ვიზიტები როგორც ქართველი, ისე უცხოელი სტუმრების. უცხოელი დიპლომატები აცხადებდნენ, რომ შექმნილ მდგომარეობასთან დაკავშირებით, ნანახმა მკვეთრად გადააჭრბა მათ ხელთ არსებული ინფორმაცია. **რიჩარდ ნორლანდი:** „ვითარება, რასაც ჩვენ ვხედავთ, ტრაგიკულია. მე ეს მაგონებს ბერლინის კედელს, როდესაც ხელოვნურად აღმართული ბარიერებით ხდება მოსახლეობის

ბითვის ხელის შეშლა, ადამიანები ვერ ახერხებენ საკუთარ მიწებსა და წინაპრების საფლავებზე გასვლას. მიუხედავად იმისა, რომ მიმდინარეობს მოლაპარაკებები უნევაში, ეს უფრო პუმანიტარული, ადამიანური ასპექტია, რაც უკავშირდება ადამიანების ცხოვრებას, რომლის გადაწყვეტა ადამიანურ დონეზე შეიძლება“.

ასეთ რთულ ვითარებაში მოქცეულ საჯარო სკოლებში სასწავლო პროცესი არ შეწყვეტილა. მიუხედავად ბოლო დღეებში განვითარებული მოვლენებისა, ისევე როგორც დანარჩენ სოფლებში, დიციის საჯარო სკოლაშიც სასწავლო პროცესი ჩვეულ რეჟიმში გრძელდება, იქ ბავშვები მეზობელ სოფელი ქორდიანაც დადიან. მოსახლეობის განცხადებით, სოფელი არ უნდა დაიცალოს, წინააღმდეგ შემთხვევაში, ოკუპანტების სასარგებლოდ „საზღვრები“ კიდევ შეიძლება შეიცვალოს. მათი თქმით, თუ ოდესმე სოფლის მოსახლეობისაგან დაცლის საფრთხე განჩნდება, ეს არა ოკუპანტების შიშის, არამედ იმ გაჭირვებისა და სოციალური პირობების გამო მოხდება, რაშიც დიციელებს

უნვეთ ცხოვრება. გამყოფ ხაზთან მდებარე სოფლების მოსახლეობის საჭიროებებზე რეაგირების დროებითი კომისია შეიქმნა და რეგიონული განვითარებისა და ინფრასტრუქტურის სამინისტროში პირველი სხდომა გამართა. კომისიის შემადგენლობაში სამინისტროებისა და მთავრობის კანცელარიის რეგიონული და ადგილობრივი თვითმმართველობის ორგანოებთან ურთიერთობების დეპარტამენტის წარმომადგენლები შედიან, მათ შორის განათლებისა და მეცნიერების მინისტრის მოადგილე **ლია გიგაური**.

4 ოქტომბერს, უწყებათაშორისი კომისიის წევრი ლია გიგაური ოკუპირებულ ტერიტორიებთან გამყოფი ხაზის მიმდებარე სოფლებში – ქვეში, დიცი და ერგნეთში იმყოფებოდა, სამინისტროსა და ადგილობრივი თვითმმართველობის წარმომადგენლებთან ერთად, მოსახლეობას, მასწავლებლებსა და მოსწავლეებს შეხვდა.

მინისტრის მოადგილის განცხადებით, სამინისტრო მთელი წლის განმავლობაში ეცნობოდა და ადგენდა ამ რეგიონში არსებული საჯარო სკოლების ინფრასტრუქტურულ და სასწავლო-საგანმანათლებლო საჭიროებებს. ამ ეტაპზე, უკვე შესრულებული სამუშაოების მონიტორინგი და, ადგილობრივ მოსახლეობასთან ერთად, მომავალი სამოქმედო გეგმის განსაზღვრა მიმდინარეობს.

ლია გიგაურმა და სამინისტროს სხვა წარმომადგენლებმა მასწავლებლებსა და მოსწავლეებს მიმდინარე სოციალური პროგრამები და განათლებისა და მეცნიერების სამინისტროს სხვა მნიშვნე-

ლოვანი პროექტები გააცნეს. სამთავრობო კომისიის მორიგ სამუშაო შეხვედრაზე ლია გიგაური კომისიის წევრებს წარუდგინა ანგარიშს ადმინისტრაციულ საზღვართან მდებარე საჯარო სკოლებში არსებულ მდგომარეობასთან, სკოლების გათბობის, მოსწავლეთა ტრანსპორტირებისა და სხვა მნიშვნელოვან საკითხებთან დაკავშირებით.

როგორც სხდომაზე გამოიკვეთა, ამ სოფლების მოსახლეობის ერთ-ერთ მთავარ პრობლემას, ზამთრის მოახლოების გამო, გაზომიარაგება და შემთხვეულწინა წარმოადგენს. სხდომაზე განიხილეს, ასევე, სკოლების გათბობისა და მოსწავლეთა ტრანსპორტირების, პროცესებში საერთაშორისო საზოგადოების ჩართვისა და სხვა მნიშვნელოვანი საკითხები.

სოფლის სახსრავ-სათეს მინერალზე გავლენილი ე.წ. საზღვრები და საკუთარი ხელით დანერგული სახლები, დარღვეული მშვიდი ცხოვრება... ძალიან მტკივნეულია იმის მოსმენაც, რომ თანადგომისათვის ჩასულ ადამიანებს იქაურები მადლობას უხდებიან და რუსეთის საოკუპაციო რეჟიმისგან დაცვას სთხოვენ, „იმედი გვაქვს, საოკუპაციო რეჟიმის – მავთულსლართების პირისპირ მართვ არ აღმოვჩნდებით“ – აცხადებს დვანელი ქალბატონი. „ჩვენ არსად ნასვლას და არაფრის დათმობას არ ვაპირებთ“ – ასეთი სულისკვეთებით განმსჭვალული მოსახლეობა, მათ შორის, მასწავლებლები და მოსწავლეები ცხოვრებას ჩვეულ რიტმში აგრძელებენ.

მომზადდა ლალი ჯეღლაძემ



იურისტის კონსულტაცია

სკოლის დირექტორი მოითხოვს, რომ მასწავლებლები სკოლაში დარჩნენ 5 საათამდე. რამდენად მართებულია ასეთი მოთხოვნა?

მასწავლებლისათვის თანამდებობრივი სარგოს მიცემა სამუშაო საათების მიხედვით არ ნიშნავს, რომ იგი, საგაკვეთილო საათების, სასკოლო დოკუმენტაციის წარმოებისა და მოსწავლესთან ინდივიდუალური მუშაობისათვის საჭირო დროის გარდა, აუცილებლად უნდა იმყოფებოდეს სკოლაში. მასწავლებელს უფლება აქვს მისი სამუშაოს ნაწილი – პროფესიულ განვითარებაზე მუშაობა, გაკვეთილებისათვის მომზადება და სხვა შეასრულოს სკოლის გარეთ.

შეიძლება თუ არა, რომ დირექტორს ჰქონდეს სრული დატვირთვა, თუკი ეს გამოიწვევს სკოლის პედაგოგის საბათვის შვიტირებას?

სკოლის სამტატო განრიგით გათვალისწინებული პირებისა (გარდა მასწავლებლისა) და სახელმწიფო დაფინანსების ფარგლებში დასაქმებული მტატგარეშე მოსამსახურეების სამუშაო დატვირთვა არ უნდა აღემატებოდეს კვირაში 10 საგაკვეთილო საათს. გამომდინარე აქედან, სკოლის დირექტორს არ შეიძლება ჰქონდეს 10 საგაკვეთილო საათზე მეტი.

ითვალისწინებს თუ არა საქართველოს შრომის კოდექსი დამატებით შვებულებას გავშლის მოვლის გამო? დასაქმებულს, თავისივე თხოვნით, უწყვეტად ან ნაწილ-ნა-

წილ, მაგრამ არანაკლებ წელიწადში 2 კვირისა, ეძლევა ანაზღაურების გარეშე შევებულა ბავშვის მოვლის გამო – 12 კვირის ოდენობით, სანამ ბავშვს შეუსრულდება 5 წელი. ბავშვის მოვლის გამო დამატებითი შევებულა შეიძლება მიეცეს ნებისმიერ პირს, რომელიც ფაქტობრივად უვლის ბავშვს.

ვალდებულია თუ არა დირექტორი, დაასაბუთოს საკუთარი გადაწყვეტილება, მასწავლებლის გათავისუფლების შემთხვევაში?

გათავისუფლების შემთხვევაში, დასაქმებულს უფლება აქვს, შრომითი ხელშეკრულების შეწყვეტის თაობაზე დამსაქმებლის შეტყობინების მიღებიდან 30 კალენდარული დღის ვადაში გაუგზავნოს მას წერილობითი შეტყობინება ხელშეკრულების შეწყვეტის საფუძვლის წერილობითი დასაბუთების მოთხოვნის თაობაზე, ხოლო დამსაქმებელი ვალდებულია დასაქმებულის მოთხოვნის წარდგენიდან 7 კალენდარული დღის ვადაში წერილობით დასაბუთოს შრომითი ხელშეკრულების შეწყვეტის საფუძველი.

ასეთ შემთხვევაში, დასაქმებულს უფლება აქვს, წერილობითი დასაბუთების მიღებიდან 30 კალენდარული დღის ვადაში სასამართლოში გაასაჩივროს დამსაქმებლის გადაწყვეტილება შრომითი ხელშეკრულების შეწყვეტის შესახებ.

ბრიგოლ ბაქურაძე
საქართველოს პედაგოგთა და მეცნიერთა თავისუფალი პროფკავშირის იურისტი

სპორტი

კალათბურთი აუქსიონმა შეინიჭა

რუბრიკას უძღვება ირაკლი თამაძე

წინა კვირაში გავრცელდა ინფორმაცია, რომ თბილისის 122-ე საჯარო სკოლაში კალათბურთის წრის მუშაობა შეწყდა, რადგან ბავშვებს დარბაზში არ უშვებდნენ სავარჯიშოდ, რასაც მოზარდების საპროტესტო აქციაც მოჰყვა. ცხადია, ფრიად არასასიამოვნოა, როცა მოსწავლეებს რამეში ხელი ეშვებათ – სწავლა იქნება ეს, სპორტი თუ მათი ჯანსაღად, სრულფასოვნად განვითარებისთვის აუცილებელი ნებისმიერი სექტორი. თუმცა როგორც საქმის ვითარებაში გარკვევამ დაგვარწმუნა, დირექციის დადანიშნულ ბავშვებს 122-ე საჯარო სკოლის დირექტორის მოვალეობის შემსრულებელმა **მაია ჭუმბურიძემ** განგვიმარტა, რომ პრობლემა აუქციონის საჭიროებამ წარმოქმნა, რომელშიც საკალათბურთო სექციის ხელმძღვანელობამ მონაწილეობა არ მიიღო.

საქმის ვითარება ასეთია: 122-ე საჯარო სკოლაში წინა წლებშიც არსებობდა კალათბურთის ჯგუფი, ოღონდ ეს არ არის სასკოლო წრე და არა კალათბურთად არჩეული სპორტის გაკვეთილის ფარგლებში მოთამაშეები. მსურველებს კერძო პიროვნება ავარჯიშებდა. მაია ჭუმბურიძის ინფორმაციით, ანალოგიური ფორმით ამავე სკოლაში, ცეკვის ჯგუფიც მუშაობდა, ოღონდ მანამდე არც ერთი არ იხდიდა არანაირ გადასახადს, ანუ სრულიად უფასოდ იყენებდნენ სკოლის მატერიალურ ბაზას. არადა, მსგავსი გადასახადი სკოლისთვის შემოსავლის ერთ-ერთი წყაროა.

შარშან, როცა მაია ჭუმბურიძე მოვიდა ამ სკოლაში, აღნიშნულ საკითხზე კონსულტაციები გაიარა სამინისტროს სათანადო სამსახურში და სწორედ მათი რჩევების საფუძველზე, კანონის მოთხოვნათა შესაბამისად, გამოცხადდა ტენდერი. იმავე ცეკვაში გამონჩდა მსურველი, ოღონდ ახალი ჯგუ-

ფი, რომელმაც მიიღო მონაწილეობა და დღესაც აგრძელებს მუშაობას. ასევეა სიმღერაშიც ფოლკლორული ჯგუფი. კალათბურთშიც თურმე თავიდან გამოჩნდნენ მსურველები, ოღონდ სხვა ხალხი და არა ისინი, ვინც მანამ მუშაობდა. მათ თურმე განრიგიც კი წარმოადგინეს, რომელ დღეებში და რომელ საათებში სურდათ ვარჯიში, მაგრამ ბოლოს იუარეს და არც აუქციონში მიიღეს მონაწილეობა. სამწუხაროდ, არც სხვა მსურველები გამოჩნდნენ, თუმცა ეს სკოლა კალათბურთის გარეშე მაინც არ რჩება, რადგან სპორტის გაკვეთილზე ერთ-ერთ სახეობად ისიცაა არჩეული.

დასასრულს, გეტყვით, რომ უკალათბურთოდ არც ის ძველი ჯგუფი დარჩენილა და დაშლილა, რადგან ერთ-ერთმა უმაღლესმა სასწავლებელმა შეიფარა და იქ აგრძელებენ ვარჯიშს.

რაბბი – სკოლაში, გობოები – რაბბიში



თანდათან სულ უფრო იკიდებს ფეხს სასიამოვნო ტრადიცია, როცა ქვეყნის საჯარო სკოლებში სპორტის ესა თუ ის სახეობა სასკოლო საგნად მკვიდრდება. ჩვენი გაზეთის წინა ნომერში ყვარლის რაიონზე ვწერდით, სადაც რამდენიმე სკოლაში, უახლოეს დღეებში, ძიუდოს სწავლებას დაიწყებენ. ამჯერად კი რაგბის კავშირის თბილისურ ნოვაცი-აზე გვსაუბრები.

სასიამოვნოა, რომ საუბარი თავისი სპეციფიკით და შინაარსით გამორჩეულ ისეთ სახეობაზე გვინტერესს, როგორც რაგბია. გუნდური სათამაშო სახეობები ინდივიდუალურებისგან ხომ სწორედ თავისი გუნდურობის პრინციპის გამო განსხვავდებიან – იქ თუ სპორტსმენი მხოლოდ საკუთარი თავის იმედადაა, აქ შეუძლია, თანაგუნდელის იმედიც ჰქონდეს; იქ თუ მის შეცდომას ვერავინ დააზღვევს, აქ ამის შანსი რჩება და შეუძლია, სხვამ გამოასწოროს მისი ხარვეზი; იქ თუ მისი შეცდომა სხვას არ აზარალებს, აქ, შეიძლება, მთელი გუნდი დააღალატოს, რაც პასუხისმგებლობას ზრდის. ერთი სიტყვით, გუნდურში გუნ-

დურად თანაცხოვრებას, შრომას და არსებობას სწავლობენ. თუმცა ნუ გვინტერესებს ბურთის, კალათბურთის და სხვა სათამაშო სახეობების წარმომადგენლები, მაგრამ სწორედ რაგბი ავითარებს ისეთ თვისებებს, როგორცაა ამტანობა, გამძლეობა; აქ მოზარდი ერგვეა მჭიდრო, კონტაქტურ შერკინება-მიძალეებას, თუნდაც ტკივილის ატანას, სწავლობს მოთმინებას, ყველაზე უფრო სწრაფად გადალახავს შიშის ფაქტორს, ანუ ყალიბდება სრულყოფილ პიროვნებად, რაინდად. სწორედ ამიტომაც, რომ სარაგბო ორთაბრძოლისას მომხდარი ჩხუბი მოედანზევე რჩება და თამაშის შემდეგ მისი გაგრძელება მიუღებელი საქციელია. ამავე დაუნერვლი კანონის ჩარჩოებშია, რომ მატჩის შემდეგ მოგებული ნაგებულს დერეფანს უკეთებს და ისე აცილებს სტადიონიდან; მასპინძელი აუცილებლად უწყობს ბანკეტს სტუმარს და ისე აცილებს სახლში და კიდევ ბევრი დადებითი თვისება, რაც სულგრძელთა ხვედრია. ისეთი დადებითი თვისებების შესისხლხორცება, როგორცაა შიშის დაძლევა, მოთმინება, ამტან-

ობა, განსაკუთრებით მნიშვნელოვანია მოზარდებში – საკუთარი თავის რწმენა ხომ მნიშვნელოვნად განაპირობებს, რამდენად თავდაჯერებული, ძლიერი ნებისყოფის პიროვნებად გაიზარდება იგი.

თემას რაც შეეხება, ამ დღეებში თბილისიც შეუერთდა რაგბის საერთაშორისო საბჭოს პროგრამას – „გაიცანი რაგბი“, რომელიც ითვალისწინებს ევროპის მასშტაბით სპორტის ამ სახეობის განვითარებას და საომავლოდ ლიცენზირებულ მოზარდებთან რაოდენობის ზრდას. ის სამი ეტაპისგან შედგება – სცადე, ითამაშე, დარჩი რაგბიში.

ეს პროგრამა თბილისში ოფიციალურად 4 ოქტომბერს ამოქმედდა. ამ საქმეში კურატორობისა და მხარდაჭერა-დახმარებისთვის დედაქალაქში ჩამოსული იყო რაგბის საერთაშორისო საბჭოს ევროპის რეგიონული განვითარების მენეჯერი **დუგლას ლენგლი**. გარდა პროგრამაში დეკლარირებული საერთო ამოცანებისა, პროექტის ავტორებს საქართველოში კონკრეტული მიზნები აქვთ – 2015 წლის ბოლომდე რეგისტრირებულ მო-

თამაშეთა 20%-ით გაზრდა, 2016 წლისთვის კი ქალ მოზარდებთან ოდენობის 10%-ით მომატება... აქვე დავძენთ, რომ ეს უკანასკნელი მოთხოვნა – ქალთა როლის გაზრდა და რაოდენობრივად მათი გათანაბრება მამაკაცებთან როგორც სპორტში, ასევე ცხოვრების უკლებლივ ყველა სფეროში, თანამედროვე მსოფლიოს განვითარების ერთ-ერთი მთავარი სტრატეგიაა.

პროექტისთვის საპილოტედ თავდაპირველად სამი სკოლა შეირჩა – 52-ე საჯარო, წმინდა გიორგის საერთო და კიკეთის იაკობ გოგებაშვილის სახელობისა. 4 ოქტომბერს იქაურ მოზარდებს ეროვნული ნაკრების კაპიტანი **ირაკლი მაჩხანელი** და წევრები – **რევაზ ბელქანი**, **დავით კიკნაძე** და **სანდრო ნიყარაძე** ესტუმრნენ, რომლებმაც ბავშვებს რაგბის პრაქტიკული გაკვეთილები ჩაუტარეს. ღონისძიებაში, საერთო ჯამში, 6-7 წლის 50-ზე მეტმა მოზარდმა მიიღო მონაწილეობა, რომელთა შორის 52-ე სკოლის გოგონებიც იყვნენ. უნდა ითქვას, რომ ისინი მეტად აქტიურად ჩაერთნენ სარაგბო გაკვეთილებში.






ნიენის
თარო

მიმდინარეობს

ხელმოწერა



კლასიკური შოეზია



სამი
ტომის
ფასი
15 ლარი

რეპროდუქციები ხელოვნების კაბინეტისთვის

ერთი
ცალის
ფასი
6.5 ლარი

1. ცისფერი ბაღვინები - დეზა
2. ჰორაციუსის ფიცი - ჟაკ-ლუი დავიდი
3. მწველთა თაყვანისცემა - დომენიკო გირლანდაიო
4. ადელ ბლოხ-გაუერის პორტრეტი - გუსტავ კლიმტი
5. ავტოპორტრეტი - რემბრანდტ ჰარმენს ვან რაინი
6. მენინები - ველასკესი

7. დელფოსელი სიბილა - მიქელანჯელო
8. მხატვრის ბაღი - კლოდ მონე
9. უძლავი შვილის დაბრუნება - რემბრანდტი
10. საძანელა - რენუარი
11. საპვირაო ბასეირნება, ბრან-შატის კუნძულზე - შორჟ სიორა

თემატური კლასიკები
დაწყებითი კლასებისთვის

ფორმატი A2 (42X59.4 სმ)

1. წელიწადის დროები: შემოდგომა-ზამთარი
2. წელიწადის დროები: გაზაფხული-ზაფხული
3. ფერები
4. ფორმები
5. გარეული ცხოველები
6. გარეული ფრინველები
7. პრეფიქსები
8. სილ-გოსტნული
9. შინაური ცხოველები
12. ტანსაცმელი
11. ჰიბინის ნივთები
12. საოჯახო ნივთები
13. ტრანსპორტი
14. წყლის ბინადრები
15. ინგლისური ანბანი
16. რუსული ანბანი

ერთი
ცალის
ფასი
2.5 ლარი

თემატური
კლასიკები მაღალი
კლასებისთვის

ფორმატი A1 (59.4X84.1 სმ)

1. რელიგიების წარმოშობა
2. გარეული ფრინველები საბარტოლომეო
3. გარეული ცხოველები საბარტოლომეო
4. მწერები
5. ძველადი ხალხური საკრებები
6. ძველადი საბარტოლომეო
7. საბარტოლომეო მცენარეები
8. ადამიანის აგებულება
9. რეპტილიები და დინოზავრები
10. ნივთები - სიტყვების წყარო
11. კველი რეზი
12. მსოფლიოს დროები
13. ზღვის დინებები
14. ძირითადი ელემენტების პერიოდული სისტემა
15. საგზაროს წარმოშობა
16. ძველადი მემორის შეიარაღება და საბრძოლო ტექნიკა
17. მსოფლიოს შვიდი სოცრება

ერთი
ცალის
ფასი
3 ლარი

ქართული ლიტერატურის კაბინეტისთვის

მწერალთა პორტრეტები (34X47 სმ)

- | | | |
|--------------------------|--------------------------|------------------------|
| 1. მიხეილ ჯავახიშვილი | 10. იოსებ გრიგაშვილი | 19. აკაკი წერეთელი |
| 2. გიორგი ლეონიძე | 11. პულიკარე კაკაბაძე | 20. რუსთაველი |
| 3. ირაკლი აბაშიძე | 12. გურამ რჩეულიშვილი | 21. თეიმურაზ I |
| 4. ნოდარ დუმბაძე | 13. იაკოვ სუცევი | 22. ვახტანგ VI |
| 5. მირზა ბელოვანი | 14. იონა საბანიძე | 23. გიორგი მერჩულე |
| 6. აკაკი ბაძრაძე | 15. დავით გურამიშვილი | 24. გრიგოლ ორბელიანი |
| 7. ვასილ ბარნოვი | 16. პენიკი | 25. დავით აღმაშენებელი |
| 8. პაულო იაშვილი | 17. რევაზ ინანიშვილი | 26. გურამ ასათიანი |
| 9. სულხან-საბა ორბელიანი | 18. ალექსანდრე ჭავჭავაძე | 27. გრიგოლ როგაძიძე |

ერთი
ცალის
ფასი
4 ლარი

„ასოფლიო ლიტერატურის ქალაქი“


მიმდინარეობს ხელმოწერა. **შემოგვიერთდით!**



- ალბერტო მორავია - მოწყენილობა
- ჯეიმზ ფ. კუპერი - ჯაშუში
- გილბერტ კ. ჩესტერტონი - დონ კინოსტის დაბრუნება
- მარგარეტ ღიურასი - საყვარელი ჩრდილოეთ ჩინეთიდან
- ალბერ კოენი - დედაჩემი
- ჯონ გოლდსმორთი - რჩეული მოთხრობები
- პროსპერ მერიმე - ილეული ვენერა
- უ. სომერსეტ მოემი - ჭრელი საბურველი
- ჯონ ბრაინი - გზა ელიტისაკენ
- ჯეკ ლონდონი - დიდი სხლის პატარა დინასხლისი
- ონორე დე ბალზაკი - მამა გორიო

- ვიქტორ ჰიუგო - პარიზის ღვთისმშობლის ტაძარი
- ემილ ზოლა - ძალთა ბედნიერება
- ალექსანდრე დიუმა - კავკასია
- ფიოდორ დოსტოევსკი - მკვდარი სხლის ჩანაწერები
- ჰენრი რაილერ ჰაბარდი - მომთხრობის ასული
- სტენდალი - ნითელი და შავი
- ლევ ტოლსტოი - კავკასიური მოთხრობები
- ჯონათან სვიფტი - გულივერის მოგზაურობა
- ერის მარია რემარკი - სამი მემოარი
- შოლერლო დე ლაკლო - სახიფათო კავშირები
- ალექსანდრე პუშკინი - მოთხრობები
- შტაფან ცვანიგი - მოუთხრობა გულისა
- მაინ რიდი - კვარტარონი
- ვილჰელმ ჰაუფი - ლისტენბანი
- თეოდორ დრაიზერი - დანიკო კერი
- ნიკოლაი გოგოლი - რჩეული მოთხრობები
- გუსტავ ფლოპერი - მამა გორიო

თითო ტომის ფასი - 12 ლარი



კომენტარული ტექსტი და ანალიტიკური გზამკვლევი თამაზ ვასაძე
~~11~~ 9 ლარი



„ქართული ენის სასკოლო განმარტებითი ლექსიკონი“
თამაზ ბერუაშვილი
10 ლარი

გამოცემლობა „ლიოგენსა“ და გაზეთ „ახალი განათლება“ სპეციალური პროექტი




მსოფლიო ისტორიის ენციკლოპედია
~~45~~ 35 ლარი




საბავშვო ცხოველთა ენციკლოპედია
~~30~~ 26 ლარი




ხელოვნების ილუსტრირებული ისტორია რენესანსიდან დღემდე
~~40~~ 30 ლარი



ილია ჭავჭავაძე, ორტომიანი
16 ლარი



საქართველოს ისტორიული ატლასი
5.70 ლარი



„რა არის რა“ 50-ტომიანი ერთი ტომის ფასი ნახვლად 11 ლარისა 9 ლარი

- ❖ მსოფლიოს 7 საოცრება
- ❖ ავტომობილი
- ❖ აბინდი
- ❖ დიდი ალმონი
- ❖ ხალხთა დიდი გადასახლება
- ❖ გამომგონებები
- ❖ განძის ძიება
- ❖ გლადიატორები
- ❖ დრო და კალენდარი
- ❖ ძველი ეგვიპტე
- ❖ ევროპა
- ❖ ვიკინგები
- ❖ კოშკები
- ❖ კრიმინალისტიკა
- ❖ მათემატიკა
- ❖ მეცნიერებები

- ❖ მსოფლიოს რელიგიები
- ❖ ძველი რომი
- ❖ ძველი საბერძნეთი
- ❖ სამურანი
- ❖ უდაბნო
- ❖ უძველესი ადამიანები
- ❖ ახსნილი და აუხსნელი ფენომენები
- ❖ ფიზიკა
- ❖ ჩამირული ძალაძები
- ❖ ძივია
- ❖ მემორიები
- ❖ ოლიმპიური თამაშები
- ❖ მთები
- ❖ ჯანსაღი კვება
- ❖ არქიტექტურა

ქართული მწერლები

- ❖ ვაჟა-ფშაველა (10-ტომიანი), I-V ტომი - 11 ლარი
- ❖ მინაილ ჯავახიშვილი (7-ტომიანი), I-VII ტომი - 11 ლარი
- ❖ ლევან გომთუხაძე (7-ტომიანი), I-II ტომი - 16 ლარი
- ❖ ედიშერ ყიფიანი (2-ტომიანი), I-II ტომი - 15 ლარი
- ❖ კონსტანტინე გამსახურდია (10-ტომიანი), I, VI, VII, VIII ტომი - 16 ლარი, IV-V ტომი - 18 ლარი
- ❖ რევაზ ინანოშვილი (6-ტომიანი), I-VI ტომი - 12 ლარი
- ❖ ვახტანგ ჭელიძე (9-ტომიანი), I-VI ტომი - 12 ლარი
- ❖ გრიგოლ აბაშიძე (6-ტომიანი), I-V ტომი - 12 ლარი
- ❖ ოტია იოსელიანი (10-ტომიანი), I-X ტომი - 12 ლარი
- ❖ თამაზ ჭილაძე (6-ტომიანი), I-VI ტომი - 10 ლარი
- ❖ გოდერძი ჩოხელი (5-ტომიანი), I-V ტომი - 13 ლარი

მითითებულია თითო ტომის ფასი

ხელმოწერის თანხა გადმორიცხეთ რეკვიზიტებზე:
მიმღები - შპს „ახალი განათლება“, ს/კ 202058735
ა/ა GE93LB0113314052305000, ს/ს „ლიბერთი ბანკი“, ბ/კ LBRTGE22
შესაძლებელია ინდივიდუალური ხელმოწერები!



მთავარი რედაქტორი: მარიკა ჩიქოვანი

მისამართი: 0102 თბილისი, ტატილაშვილის ქ. №3
ტელ.: 032 295 80 23, 0790 958023, 599 880073, 577 132283.
www.axaliganatleba.ge

E-mail: axaliganatleba@gmail.com Skype: axali.ganatleba

რედაქციის საბანკო რეკვიზიტები: შპს „ახალი განათლება“ ს/კ 202058735
ა/ა GE86BG000000123631000GEL, ს.ს. „საქართველოს ბანკი“ ბ/კ BAGAGE22,

რედაქციაში შემოსული ხელნაწერები არ რეცენზირდება და ავტორებს არ უბრუნდებათ.

ISSN 2233-386X



9 772233 386008 >